

清

史

稿

清史稿

樂志四

樂章二 御殿慶賀 永辭 桑歌

皇帝元旦御殿二章

康熙八年定乾隆七年重撰樂章初製附載

中和韶樂黃鍾宮立宮倍夷則下

羽主調

升座元平

維天眷我皇四海昇平泰運昌歲首肇三陽萬國朝正拜帝閭雲

物奏嘉祥乘鸞輅建太常時和化日長重九譯盡梯航

原於穆元后敬授人時四始和令三陽肇基

路蒼龍敷育其旂迎氣布德百工允鑒行慶施惠及我蒸黎

還宮和平

聖人延俊英鈞天樂奏繞彤廷華夷一統寧士庶懽忻樂太平寶

鼎御香盈祥煙裊瑞靄生簫韶喜九成齊慶祝萬千齡

原有奕元會天子穆穆諸譜羣公至自九服正

朝所加海外臣僕率土懷惠萬民子育千齡億祀永綏新祿

皇帝長至御殿二章

康熙八年定乾隆七年重撰樂章初製附載

中和韶樂黃鍾宮立宮倍夷則下

羽主調

升座遂平 陽回黍谷春萬國衣冠拜紫宸旭日耀龍鱗雲物呈祥福祿臻堯

階蓂莢新熙庶績撫五辰九服共來賓調元化轉鴻鈞原乾符在握道轉鴻鈞天心見復物始資元景

長壽日紀協堯作玉璫應瑞寶歷肇新業正在位輔翼一人

還宮允平 皇心克配天玉璫葭灰得氣先彤廷臚唱宣四海共球奏御筵珠

斗應璣琬金鏡朗麟鳳騫人間景福全咨屢省懋乾乾原萬國在宥一陽斯溥淵默臨朝天職修舉君

子道長聯珪聯組聯口書雲產祥降殿宜鳴而鳴宜雨而雨

乾隆二十四年平定回部長至御殿增撰武成慶語二章 中和韶樂黃鍾宮

立宮倍夷則下羽主調

升座遂平 陽回玉璫春華闕晴暉映紫宸聲教訖無垠烽燧長清玉塞塵絕

域盡王臣安作息荷陶甄奉贄獻靈珍超三古懋經綸

還宮允平 淑氣轉瑤闥緹幕葭飛敝百昌恩威亘八荒雪嶺天山道里長納

欵嚮明堂三足鳥暨鳳凰乾珍普降祥彌顧禔敕幾康

乾隆二十四年平定回部御殿羣臣慶賀一章 丹陛大樂

慶平 紫霧氤氲浮彩仗丹階虎隊鵷行敷文德虞微接響靖邊徼來享來王

皇帝萬壽節御殿二章康熙八年定乾隆七年重撰樂章初製附載中和韶樂黃鍾宮立宮倍夷則

下羽主調

升座乾平 祥雲扈紫冥四海臣民祝聖齡淑氣轉階蓂莢錄義圖燦御屏嵩

呼徧在廷天呈瑞地效靈南極拱台星億萬載頌康甯原二儀清甯三辰順則維帝茲命函育區域仁

恩廣覃至於動植久道化成隆功駿德聖人多壽年世萬億

還宮泰平 皇躬福祿宜永紹鴻圖丕丕基彤陛長仙芝樂奏簫韶丹鳳儀南

山獻壽危人心悅天意隨為德徧羣黎歌樂愷萬年斯原靈以惟德丕命惟皇肇茲壽域溥海安荒物

性茂育民俗樂康冠帶之國望斗辨方曰惟萬年同於昊蒼

萬壽元旦長至三大節朝賀三章常朝同順治九年定康熙年製樂章乾隆七年重撰又增宮中行禮雖平一章初製附載

丹陛大樂

羣臣行禮慶平 鳳凰在數麒麟在郊垌不如國士充陛廷野無遺賢宗有英

夙夜在公在公明明原皇履萬字品物咸亨九賓在列百譯輸誠濟涉聯士式造在廷帝仁如天帝明如日親賢任能愛民育物禮備樂

成聲教
四說

外藩行禮治平 我清世德作求若天行天盡所覆畀我清萬方悅喜來享庭

日子一人業業兢兢原天盡所覆以畀我清我德配命滿萬生萬國罔舞

宮中行禮雖平 關雎四教家邦作孚先黃裳元吉地承天六宮仁順化穆宣

麟之趾兮萬福之原

皇帝上元御殿二章乾隆七年定 中和韶樂太簇商立宮倍無射變宮主調

升座怡平 皇心保泰和海寓昇平樂事多瓊樹長新柯冰泮春風漲玉河晴

雲展細羅擎堯酒泛天波花舞鳥能歌齊拜手賦卷阿

還宮昇平 時雍頌帝堯玉佩鏗鏘慶早朝紫禁瑞煙飄春意浹寒上柳條和

風禁苑饒陳仙樂奏蕭韶三五正良宵宮漏永月輪高

皇帝常朝二章康熙年定 中和韶樂

升座隆平 赫矣天鑒眷求惟聖保佑我清既集有命假樂大君天位以正莅

下有容監於萬方念茲崇功駿命孔常

還宮顯平 於昭四后誕降世德疊疊我皇克艱衰職治定功成中和建極龍
飛在天鳳儀於廷式奏王夏垂億萬齡

乾隆七年重定皇帝常朝正月二章 中和韶樂太簇商立宮倍無射變宮主

調

升座降平 敷天協氣鮮新又蒼龍正晨萬國歡心仰紫宸皇天錫嘏懿純陳
充庭華瑤金根扇春風風兆人澤如春容周萬品化洽無垠

還宮顯平 淵然至道游神協天行地文照寓騰華若早輪清明廣大和闡恩
滂洋溢葦露仁念民生生此辰酌於民瑞惟大有寶則賢臣

二月二章 中和韶樂夾鍾清商立宮倍應鍾變宮二調

升座降平 所無逸恭己嚴廊萬寓協嘉祥吹律圓鐘諧舜珎負展當陽柳風
初轉芽黃翠甸輕雷蘇百昌發生心皇奉若寬大詔播天常

還宮顯平 肅羣后鳴佩鏘鏘拜手仰龍光初日曠曠奎壁麗明庶風翔普天
和氣休穰浹化騰成鳩眼良躬清明基宥密恩溥洽達要荒

三月二章 中和韶樂姑洗角立宮黃鍾宮主調

升座隆平 日麗風和徧寰區新榆改火龍旂在苒晃鸞坡赫如曦皇升座羣
辟奏瑤珂拂花茵垂佩多天門蕩蕩無偏頗純嘏詠卷阿

還宮顯平 瑞鶴祥鸞映彤墀紅雲繚繞一人淵默德光昭百花中千門曉銅
鶴篆煙飄奏仙音駕退朝促耕布穀飛鸞沼盈耳說農勞

四月二章 中和韶樂仲呂清角立宮大呂清宮主調

升座隆平 玉宸且婺中天王御法宮乘朱路曳長虹六六洽簫諧女鳳萬物
被薰風阜財解愠福祿來同

還宮顯平 麥秋滿野登桑穰繭已成玉衡正泰階平上下交孚寰海靖婦子
樂盈寧罄天巨地茂豫桐生

乾隆四十一年平定兩金川四月御殿二章 中和韶樂中呂清角立宮大呂
清宮主調

升座隆平 玉衡紀正陽昇平景運昌豐功著威稜揚險闢靈瓊歸指掌決勝

廟謨長凱聲競奏喜起廣颺

還宮顯平 功成愷澤滂兵消喜氣揚棄弓矢掃機槍紫閣酬庸膺懋賞虎拜
沐恩光萬年受祜慶衍無疆

乾隆四十一年平定兩金川御殿羣臣慶賀一章 丹陛大樂

慶平 遠播皇威鯨鯢掃瘴雨蠶煙盡消看振旅歡聲載道瞻天處樂奏簫韶
五月二章 中和韶樂蕤賓變徵立宮太簇商主調

升座隆平 禁林清反舌無聲登進忠良佞不行南風假大而宣平坐明堂賞
五德法乘離以持衡

還宮顯平 樞初榮粵與朱明天稷星邊漢影萌紅輪照九神嘉生念農芸夏
暑雨穆皇心以靡甯

乾隆四十一年平定兩金川五月御殿二章 中和韶樂蕤賓變徵立宮太簇
商主調

升座隆平 扇薰風六幕祥融共解征衣拜舞同雲開玉壘昭膚功頌聲靈赫

以濯喜輶戈績銘鐘

還宮顯平 慶天中凱奏勳隆竿微煌消化雨濃磨崖紀勒銘重重壯皇猷沛
帝澤聽歡聲徧堯封

六月二章 中和韶樂林鍾清變徵立宮夾鍾清商主調

升座隆平 鼓含少黃宮諧鳳伏庚光赤帝騎龍躡彼三星正昏中茂對乘時
穆聖衷陳金奏宜景風明光觀辟公

還宮顯平 彌六合黎元祝頌奉三無帝念淵冲蒼鬱元雲浚宸楓大雨時行
黍稷芃虞琴奏皇在宮勤思劇月農

七月二章 中和韶樂夷則徵立宮姑洗角主調

升座隆平 金井桐飄大火流夷則聲清律應秋天行轉蓐收黃茂滿田時曉
光開闔浮搏拊曼鳴球玉殿千官咸拜手仰宸旂

還宮顯平 臨祭蟬鳴屆白藏御廩初登穀始嘗秋回禁陛涼皇居奠總章恩
膏正溥將零露浥灑灑六合熙熙齊所仰絜珠囊

八月二章 中和韶樂南呂清徵立宮仲呂清角主調

升座隆平 乾坤爽氣澄序宮殿清光靜安設九賓而法見叶九和於天端噉
鶴揚雲罕玲瓏動玉變烈微猷兮萬世肅縷冕兮千官

還宮顯平 雲高漢迴參見露白緇清冽寒沆告成夫萬寶祇祝釐於三壇瑞
穀歧而秀玉粢好且完喜盈甯兮百室國安泰兮民歡

九月二章 中和韶樂無射羽立宮蕤賓變徵主調

升座隆平 鴻依銀渚菊有黃華隴雲飛木葉下百穀登場罷芳辰逢令嘉黃
麾列正衙豹罕移龍麟射日上朱霞天錫吾皇多稼

還宮顯平 鞭鳴鐘動簾捲烟斜漾金風香衣駕天屣言還暇黃雲香滿車邨
邨書響柳處深宮心區夏重恤民家黼展幽風圖畫

十月二章 中和韶樂應鍾清羽立宮林鍾清變徵主調

升座隆平 時合黃純熙修司職顓皇執坎持權聽彤廷佩響玉珎風宣懷黃
綰白趨丹陛皇儀展於穆同天光華聖日眾思煥彩暄到齊編

還宮顯平 寶海豐穰農夫之慶深宮理化揮絃念艱難稼穡不敢游敗琳瑯
萬卷瓊天祿三餘愛清晏探研時幾敕命明良喜起所寶惟賢

十一月二章 中和韶樂黃鍾宮立宮倍夷則下羽主調

升座降平 七日陽來天地仁萬象一中分人從心上起經綸綱紀三才屬大
君答陽臨玉宸無私學化鈞包元履德日勞動品類盛荷陶甄

還宮顯平 順氣祥風翺九垓太史正書雲沈幾先物福生人淵默雷聲秉道
真八風依序均天根月窟循照乎若日正三辰不遠復以修身

十二月二章 中和韶樂大呂清宮立宮倍南呂清下羽主調

升座降平 斗柄將東四序周佳氣滿皇州嘉平吉日諏翠輅充廷立九旂吾
皇御大裘法座侍王侯服舊德布新猷穆若天儀福祿道

還宮顯平 太室黃雲紫氣蒙時雪報年豐天關橐籥充臘鼓催春天地通皇
家寶緒隆契合動昭融月西朏日生東萬載回環不息同

閏月節前用上月宮調節後用下月宮調詞同前除夕升座還宮與十二月常

朝同耕藉禮成慶成宮宴與三月同

文進士傳臚御殿二章

乾隆七年定

中和韶樂絃寶變徵立宮太簇商主調

升座隆平 啓文明五色雲呈珊瑚網宏開羅俊英梧岡彩鳳離階鳴氣如珠河似鏡集賢才於蓬瀛

還宮顯平 海榴舒木槿初榮宣賜宮衣最有名薰來殿角微涼生鳳棲梧麟在囿致皇風於昇平

文進士傳臚羣臣慶賀一章 丹陛大樂

慶平 寶闕大啓五緯麗霄光九苞彩鳳鳴高岡日華五色舞衣裳濟濟跕跕多士思皇

武進士傳臚御殿二章

乾隆七年定

中和韶樂應鍾清羽立宮林鍾清變徵主調

升座隆平 寶殿雲開朱檐日近甲袍金瑣玲瓏看敦詩說禮國士之風王朝栢幹資英俊參帷幄克詰兵戎雲臺繪畫勳名偉績媲美前蹤

還宮顯平 玉燭光調金甌綏靖兩階千羽雍容念求賢渭水兆協非熊中林

置兔多賢士資心腹雲起風從龍
韜豹略後先疏附鵬翼搏風

武進士傳臚羣臣慶賀一章 丹陛大樂

慶平 鷹揚鸞薦鴈翮九霄清兔置在野維千城龍韜豹略蜚英聲肅肅赳赳

王國克生

乾隆四十八年乾清宮普宴宗親御殿二章 中和韶樂太簇商立宮倍無射

變宮主調

升座隆平 中天鳳紀開新列堯階繡茵聖德重華九族親垂光惇敘家人敷
仙萸十葉宜春扇雍和和氣間郁祥芬瓊蕤奉日寶鄂承雲

還宮慶平 璇霄氣應韶鈞仰重熙令辰行葦恩華衍燕申歡承麟趾振振霑
椒觴芳酌會醇荷龍光光被均瑞璘彬萬年聖壽一本天倫

乾隆五十年乾清宮千叟宴御殿二章 中和韶樂太簇商立宮倍無射變宮

主調

升座隆平 乾隆五十年春月壬正日辰帝世重熙盛典陳高年高會楓宸有

盈廷鶴髮臣民望鑑香開扇輪共尊親年逾書亥福迂重申

還宮慶平 雲開黼座氤氳望天迴紫宸九拜龍光舞蹈申仙韶聲遠偏聞退朝班仙仗續紛到蓬萊攜紫雲散仙羣九重曼壽千叟長春

乾隆十三年大學士忠勇公傅恒征金川授勅御殿二章 中和韶樂黃鍾宮立宮倍夷則下羽主調

升座隆平 臨軒策將聖武恢仙仗挾風雷龍驤虎賁羣英來專闕正藉勒銘才神機翊上台恩隆轂是推揚威邊徼圖雲臺承廟略往欽哉

還宮顯平 絳霄瑞靄六龍迴宸寓靖氛埃天戈遙指閭闔開敦忠秉信闕外裁風雲列陣該崇埔計日摧鋒車電掣天馬徠軍聲歡騰九垓

乾隆十三年征金川羣臣慶賀一章 丹陛大樂

慶平 金殿晨開銅龍啟推轂恩隆典儀九重上爭歌喜起敷聲教盡仰天威乾隆十四年金川凱旋慶賀御殿二章 中和韶樂姑洗角立宮黃鍾宮主調升座隆平 慶溢朝端靄祥雲河山清晏鈴旂迢遞送歸鞍赫元戎繁良翰靖

獻寸誠丹載干戈和佩鸞功成萬里勒銘還遐邇共騰歡

還宮顯平 雉扇徐迴徧堯封齊銷燧燧依依楊柳六師歸速春耕修農耒論
賞策勳隨九重深五紘揮敷天率土哀時對日月耀明威

乾隆十四年金川凱旋羣臣慶賀一章 丹陛大樂

慶平 決勝從容籌上將師行肆靖遐方宣武略更敷文德垂衣治端拱明堂
乾隆八年盛京謁陵禮成御殿二章 中和韶樂黃鍾宮立宮倍夷則下羽主

調

升座元平 維天眷我清一統車書四海甯法駕莅陪京祠謁珠邱展孝誠陟
降舊宮庭思祖德答天明佳氣繞龍旂嗽聖日海東升

還宮和平 文思治九瀛神孫繼治游昇平皇初七德成締造艱難景命膺撫
序惕中情凝旒矜若奉盈昭茲萬億齡列祖武敬其繩

盛京御殿慶賀二章 丹陛大樂

羣臣慶平 重熙累洽紘瀛被仁風穆如神孫臨鑄豐橋山禮成御故宮零露

瀼瀼有來雍雍

外藩治平 萬方合敬同愛所親尊思木有本水有源東西朔南咸駿奔純固
恪恭日子雲孫

乾隆五十年臨雍二章 中和韶樂夾鍾清商立宮倍應鍾清變宮主調

升座盛平 辟雍建規矩圓方復古自吾皇先聖宮牆千仞近講學升堂於論
鐘鼓鏗鏘春水園橋流浩蕩作君師時萬億隆禮樂煥文章

還宮道平 聖人出天下文明玉振叶金聲日月江河照法象自古經行講筵
離肅和平熙事純常茂典成覺羣黎敷五教彝倫敘萬邦甯

乾隆五十年臨雍羣臣慶賀一章 丹陛大樂

慶平 禮成典學璧水監姬章中天日月瞻容光宸儀有肅拜舞行壽考延昌
聖化滂洋

嘉慶三年臨雍二章 中和韶樂夾鍾清商立宮倍應鍾清變宮主調

升座盛平 建皇極端拱垂裳仰止重宮牆鸞輅蒼龍親視學鼓篴升堂昭回

雲漢爲章璧水和風交澹蕩播金絲傳孔訓盛羽齋邁周庠

還宮道平 睿圖治文教昌明至德播膠鬲俎豆衣冠多藹吉講藝橫經聖人

玉振金聲明德新民萬世程首修齊崇格致基誠正奏治平

嘉慶三年臨雍羣臣慶賀一章 丹陛大樂

慶平 一人首出作睹仰當陽重華協帝煥文章崇儒右學聖治光鐘鼓鏘洋
拜舞軒鑾

乾隆九年幸翰林院二章

嘉慶九年幸翰林院同

中和韶樂黃鍾宮立宮倍夷則下羽

主調

升座隆平 龍文五色皆羽葆亭童法駕來秘閣列清才就日瞻雲瀛文隈象
緯正三台紉綬綬卿雲迴元首實康哉舟楫鼎需梅

還宮顯平 恩光浹面槐瀛洲十八並追陪南山頌有臺酒醴笙簧霖雨諧帝
展下蓬萊金枝靄秀華堆文光耀九垓求千里始於隄

太上皇帝元旦御殿二章

嘉慶元年定

中和韶樂黃鍾宮立宮倍夷則下羽主調

升座元平 壽寓鞏金甌繩武乘乾甲子周燕翼篤詒謀子帝欽承德澤流歲

首建華旂著衍英海添籌五福萃箕疇臚實政訓鴻猷

還宮和平 天下養尊崇萬禩頤和邳治隆泰運懋延洪嘉會朝正萬國同康

強仰聖躬八徵念十全功勳治尙初衷膺篤祐競呼嵩

太上皇長至御殿二章 嘉慶元年定 中和韶樂黃鍾宮立宮倍夷則下羽主調

升座遂平 陽回玉瑄新祇承忭蹈率臣民行健政躬親問安視膳秉鴻鈞帝

範示遵循共球集詔濞陳皇祺弗祿臻紀馨烈頌恒春

還宮允平 懿鑠續義圖兩陽時若泰階符逢年渥澤敷三除玉粒五蠲租元

吉惠心孚恩市寓德覃區寅承保聖謨履端慶舞康衢

太上皇帝萬萬壽節御殿二章 嘉慶元年定 中和韶樂黃鍾宮立宮倍夷則下羽

主調

升座乾平 壽祿位名全猶日孜孜寶篆鐫保佑命膺天繼序重光福祚延乾

符久仔肩丈巍煥武昭宣瑞應角亢躔龐褫衍萬斯年

還宮泰平 曼壽獻瑤樽萬方玉食至尊尊舞綵上儀敦堯辰舜丙合乾坤誅
蕩啟天門帝奉帝孫有孫祥雲燦紫閣歌景福飫洪恩

太上皇帝三大節慶賀二章

嘉慶元年定

丹陛大樂

皇帝率王公百官行禮慶平 御宇六旬九有浹深仁勳華一家禔福臻歲萬
又萬頌大椿文武聖神帝夏皇春

宮中行禮離平 離離在宮天符人瑞同太上立德更立功京垓億兆運龍鴻
雲祔衍慶萬福來崇

嘉慶元年千叟宴太上皇帝御殿二章 中和韶樂太簇商立宮倍無射變宮
主調

升座隆平 乾隆六十一年授嘉慶始元叟宴三開鉅典傳天家尊養彌虔建
惟皇錫極無偏率臣鄰逮戶編賢垓挺軒宮初御春殿長筵

還宮慶平 儀鸞扇合鎚煙聽仙韶繹然盛禮觀成九拜虔翹瞻斗運辰躡退
朝班皇極門前頌堯仁贊啟賢合義年聖能昌後天不違先

太皇太后三大節御宮二章康熙二十二年定 中和韶樂

升座升平 嘉樂聖母慈徽穆穆協德坤元以涵以育以天下養永綏天祿皇

情展慶禮明樂淑億萬斯年受茲介福

還宮恒平 天祐皇家景命薦申宮幃重慶繁祉川臻如南山壽集嘏斯純我

皇樂只燕及臣民薄海內外罔不尊親

太皇太后三大節宮中慶賀一章康熙二十二年定 丹陛大樂

管平 彤庭景麗旭日祥風繽紛綵仗奕奕璇宮鴻慈燕喜歡洽聖衷萬方一

軌來賀來同千官拜舞樂皆有融維壽維祺天地並隆

皇太后三大節御宮二章康熙二十二年定乾隆七年重撰樂章初製附載 中和韶樂南呂清徵立

宮仲呂清角主調

升座豫平 慈幃福履昌瑞雲承輦獻嘉祥徽流寶冊光玉食歡心萃萬方旭

日正當陽綏眉壽樂且康瑤池萼葉芳如山阜永無疆原有懿慈幃惟天下母厚德之符合宏九有式

嗣徽音以昌厥後履綏受之遇不單厚福祿來如山如阜

還宮履平 瑤宮瑞靄霏華翟山河上袞衣寶籙慶璇幃萬國歡愉頌德徽長

日麗晴暉青鸞舞鳳在堦康強福祿宜億萬載祝期頤原百禮既洽燦然其事瑞雲承榮麗日舒長萬

方玉食愉博未央言旋形凝凝社諸祥一人有變萬壽無疆

皇太后三大節慶賀二章康熙二十二年定乾隆七年重撰樂章初製附載 丹陛大樂

皇帝率王公百官行禮益平 皇家燕喜福壽協慈幃千官拜舞萬國瞻依靄

璇宮聖日輝原品物咸亨景光清泰展禮孔皆式瞻嘉會金石相宣賈珠編且思媚思齊德音四沛以介繁禧萬年保艾日壽而威曰昌而大

宮中行禮離平 詞與皇帝三大節同

乾隆二十四年平定回部長至皇太后御宮二章 中和韶樂南呂清徵立宮

仲呂清角主調

升座豫平 慈甯集慶長坤元叶德煥嘉祥晴暉轉一陽玉食承歡福履昌西

極盡來王同稽首頌壽康堯階蓂葉芳受茲福永無疆

還宮履平 瑤宮靄紫煙日麗彤堦百福全德範播堯天文筭珠璣晉九邊翠

翟耀瓊筵添宮綬玉卮前綏和兆萬年永樂愷協瓊瑤

皇后三大節御宮二章

康熙二十二年定乾隆七年重撰樂章初製附載

中和韶樂南呂清徵立宮

仲呂清角主調

升座淑平

承天地道光嗣徽音兮儼我皇椒宮壺教彰萬國爲儀燕翼昌彤

管紀芬芳春雲渥環佩鏘安貞德有常敷內政應無疆

原乾寶於坤價肆宸極皇化攸宜母儀萬國履

顧含章茂明內德福履永綏迺燕迺翼

還宮順平

瑤樞煥上台椒殿風和麗景開晴旭上蓬萊佳氣氤氲徧九垓祥

雲護燕謀培麟趾毓蘭茝雉扇影徘徊看瑞靄集宮槐

原椒宮奕奕陰教修明神衣有耀環璫和鳴禮

容孔格萬國來成闕雖之德流美風聲

皇后三大節宮中慶賀一章

康熙二十二年定乾隆七年重撰樂章初製附載

丹陛大樂

正平 正坤維兮儼皇極母儀昭萬國福履永綏將六宮承法則

原采章有蔚禮備樂宜令

儀令德率履無愆型家而國實惟承乾既淑且和景福綿綿

同治十一年皇帝大婚行冊立禮御殿二章

中和韶樂

升座宜平

作合慶從天高懸日月照垓垓交泰叶坤乾鸞鏘鳳嘯樂翻耀星

彩麗弧墜雙璧合五珠聯瓜瓞喜綿綿綏福履萬斯年

正使受節愉平 祥暉耀九閭鳳節蜺旌命肅將雅調奏鏗鏘玉管瓊瑯廣樂
張展詩蜺洽陽鋪鴻藻煥龍章福祿奉霞觴富且壽熾而昌

大婚前一日閱冊寶慶賀三章 丹陛大樂

皇帝升座澄平 玉檢金泥寶氣騰日月頌升恒雲霞仰蔚蒸椒壁羅圖瑞彩
凝河洲德化興海宇慶波澄光復旦福雲初謨烈昭垂億載承

皇太后升座儀平 萬國共球奉壽卮端冕肅降儀輝煌鳳詔披玉冊金符福
祿宜天容靜有思睟穆拜瑤墀續前緒答恩慈嘉禮宏前百世基

羣臣行禮普平 黼黻昭文仰大觀高奉五雲端嵩呼萬歲歡鴈鷺成行擁百
官維皇宥密單絺造念艱難膺寶籙御金鑾億載丕基鞏石磐

大婚前一日閱冊畢皇帝詣慈甯宮行禮皇太后御宮二章 中和韶樂

升座鬯平 祥雲五色飛旭日瞳矚映紫微曙景麗旌旂仙仗分行寶篆霏承
歡舞綵衣歌壽愷切瞻依展禮報春暉隆孝養慰慈幃

還宮懌平 仙敷響禁城簫管均調雅頌聲旭日鳳凰鳴瑞靄繽紛賀禮成慈
顏喜氣迎擁豹尾導蜺旌雲奉翠華明馭大丙暢由庚

大婚宣制皇帝御殿二章 中和韶樂

升座叶平 翠琯銀簫下紫霄仙樂奏咸韶趨班肅百僚繖蓋鳴鞭侍早朝惟
皇日月昭玉燭慶時調文傳武舜紹堯一德心源切肝膋

正使受節舒平 雲蒸御案香龍節高擎喬采彰嘉禮敬延康繼繼繩繩百代
昌睢麟爲世祥歌渭浹慶洽陽嘉氣溢天閭祝聖壽壽無疆

大婚朝見皇太后御宮二章 中和韶樂

升座喬平 祥暉麗紫宸天地同和萬國春協氣轉鴻鈞燕翼詒謀百福臻星
雲爛漫新嘉禮備雅樂陳至德頌慈仁洪寶籙衍疇倫

還宮忻平 吉日承歡厚德酬侍燕禮虔修芬芳潔膳羞玉食瓊漿旨且柔笙
簧雅韻流儀衛轉華旂調玉燭鞏金甌穆穆隆儀福祿道

大婚朝見次日皇帝詣慈寧宮行慶賀禮皇太后御宮二章 中和韶樂

升座軒平 蓬萊旭日紅鳳閣龍樓瑞靄中儀衛拱璇宮肅肅旌旂拂曉風維
皇茂矩崇禮既洽樂交融孝養萬方隆瞻景福共呼嵩

還宮頤平 閣道迴環輦路花宮殿燦雲霞蓬壺歲月賒六合光明萬福嘉鳴
鑾返翠華喜氣正無涯德自大頌非誇華祝衢歌遍邇遐

大婚朝見次日皇后詣慈寧宮行慶賀禮皇太后御宮二章 中和韶樂

升座翕平 懿範雍和內治襄儷日月同光承天地有常喜洽璇幃慶未央虔
恭淑德彰禕鞠頌儀詳蘭馭肅翠旂颺紹繼徽音式萬方

還宮孚平 茂典邁嬪京任姒相承世德宏內治稟儀型粹穆慈顏福履盈垓
埏樂永清陳葆份簇霓旌璆佩節和聲雲輅舉日華明

大婚朝見次日皇帝御內殿二章 中和韶樂

升座蕃平 二曜光昭萃茂釐乾籙應昌期中宮肅盛儀肇正人倫萬化基驚
梁福祿宜麟趾叶風詩炳帝極衍宗支萬葉千春海寓熙

起座理平 虔修肅拜儀納福躋仁百祿宜協氣迓蕃釐輦路塵清六馭馳祥

雲護瑞曦迴玉輅繞彤墀湛澤九天滋宣嘉頌慶昌期

大婚朝見次日皇后御內殿二章 中和韶樂

升座惠平 蘭殿椒闈迓帝麻懿德軼河洲良辰協吉諏位正坤維內治修嘉祥百祿道黼黻煥新猷輝翟彩導鸞旂邇迤祥雲輦路周

還宮祥平 中禁宏開霽吉祥律度協珩璫廣歌蕝祿康彩煥星軒法服彰豐祺衍熾昌福履慶齊長遵玉卮晉椒房坤順承天德有常

大婚朝見次日慶賀五章 丹陛大樂

皇太后升座皇帝行禮康平 雲書爛縵祥舞綵宮中愛日長雅樂叶笙簧一

曲南陔奏未央金鑑嫺篆香看鳳翥喜鸞翔聖壽祝無疆醴澤被惠風颺

皇太后升座皇后行禮巽平 宮扇彩雲移遙瞻鳳輦駐彤墀文綉錦繡披太

祝初宜展拜儀肅穆答鴻慈德音嗣福履綏祥開百世基綿泰祉正坤維

皇帝升座皇后行禮諧平 雉尾雲開喜氣生嘉禮慶初成關雎句載庶一片

承平雅頌聲鸞鸞福祿盈鸞鳳叶和鳴光四表暢八紘風始周南雅化行

羣臣行禮變平 丹鳳銜書降九天香嫋鵲鎗煙歡聲動八埏成蓋青雲朵殿
前光華億萬年鸛鷖肅班聯輝寶鼎邕宮懸雨露無私聖澤宣

宮中行禮晏平 坤儀令德崇六服光輝典禮隆瑞靄滿中宮綵仗雲旂麗景
融鎗煙接陞楓容肅穆福龐洪理內頌成功宣闕政贊皇風

大婚行禮次日筵宴皇帝御殿二章 中和韶樂

升座會平 天心眷至人璧合珠聯耀紫宸雅化治惟麟祥靄彤廷百福臻鐘
鼓韻清新調律呂奏韶鈞寶海共尊親昌聖緒敘彝倫

還宮拊平 煦日祥光煥翠旂冠佩集螭頭宮中拜賜優歡治皇心百祿迺香
煙仗外浮班散玉階儔敷駿惠式鴻猷慶典覃禧九服周

皇太后賜后母燕御宮二章 中和韶樂

升座序平 寶扇雲移法駕臨萬國盛儀欽仙韶協舜琴曉旭凝輝耀玳簪慈
顏悅豫深錫福徧壬林延景祚頌徽音媿周家仰太任

還宮愷平 樂奏鈞天吉禮成燕衍洽羣情璇幃喜氣迎歡承壽母共稱觥金

萱萬歲榮闈澤普埏紘迴龍馭擁霓旌堯趨舜步協安行

大婚賜承恩公親屬宴四章 丹陛大樂

皇帝升座調平 瑞靄嫋鎗香丹陛班分鴈鸞行懿戚喜稱觴衣冠踰濟覲龍
光壺中日正長陳酒醴肆笙簧虞陛效賡颺和以樂壽而昌

后父率親屬謝恩羣臣行禮介平 祥光麗几延鳳管鸞笙奏九天雨露拜恩

先主爵欽承寵詔宣嵩呼玉陛前揚抃舞肅班聯篤慶祝堯年歌椒衍卜瓜綿
后母率親屬行禮入座衍平 瞳矐曉日明五色祥雲靄禁城瑞應泰階平冠
裳濟濟拜丹楹璇宮喜氣盈陳酒醴泰詔諛燕衍荷恩榮膏澤渥頌同聲

后母率親屬謝恩阜平 堯廚羞獻祥六膳和調出上方珍味列芬芳春滿宮
壺雨露香衢尊酌醴漿醲化洽蒔祿康肅拜效賡颺介景福熾而昌

大婚頒詔皇帝御殿二章 中和韶樂

升座端平 堯天景運長民物咸熙庶事康離照炳當陽萬里山河日月光昇
平賀祚昌福無量壽無疆四表煥文章歌喜起頌明良

還宮融平 嘉祥帝眷孚乾始坤元合聖謨蕃祉炳皇圖藻景昭陳協氣敷宣
綸懷步趨編璧葉琰金符喬采煥雲衢六禮備衆情愉

光緒十五年大婚閱冊畢皇帝詣慈甯宮行禮皇太后御宮二章 中和韶樂
升座鬯平 祥暉靄紫宸瑞滿乾坤淑氣新宸海慶同春作合從天萬福臻瑞
階雅樂陳和鸞鳳詠睢麟垂裕荷慈仁崇典禮敘彝倫

還宮懌平 綵仗萬花迎雅雅魚魚慶禮成琴瑟聽和鳴鳳翥鸞翔引韻清璇
聞喜起廣開帝運愜皇情寰宇際昇平徵瑞應動歡聲

大婚宣制皇帝御殿二章 中和韶樂

升座叶平 樂譜簫韶奏九成儀鳳叶和聲鎚香篆裊清萬國共球集帝京宸
修德克明景運啓元亨懸金鏡察玉衡南面垂裳御八紘

正使受節舒平 絲綸錫自天龍節莊持映日鮮璧合並珠聯玉檢金泥紫誥
宣欽哉命敬傳椒蕃衍瓜瓞綿歌徧垓垓祝聖壽億萬年

大婚前一日閱冊寶慶賀二章 丹陛大樂

皇太后升座儀平 詩詠周南肇始基聖配正坤維惟皇廟上儀展拜雍容侍

玉墀貽謀賴聖慈獻壽晉瑤卮延景祚慶昌期瓜瓞綿綿福履綏

羣臣行禮普平 冠佩趨跼仰九重宸采樂登庸三多祝華封雙拜皋颺效靖

恭維皇駕六龍作觀筮雲從占嘉會慶躬逢四海欣霑帝澤醴

大婚朝見皇太后御宮二章 中和韶樂

升座尚平 春光滿禁闈和煦風柔拂翟褱虔拜仰恩暉宵旰勤劬綜萬幾顯

翼翼扇巍巍齊政察璿璣欽德至嗣音徽

還宮忻平 宴罷欣逢大禮成鳳輦映花明鸞旗拂柳輕五色雲霞綵仗迎霞

闈喜氣盈椒殿曉風清調玉琯奏瑤笙一片承平雅頌聲

大婚朝見次日皇帝詣慈甯宮行慶賀禮皇太后御宮二章 中和韶樂

升座軒平 曙景絢蓬瀛闔闔天開瑞靄生紫幃彩霞明舞蹈歡呼徹鳳城慈

闈喜氣盈儀具舉禮初成孝養竭精誠調管籥奏韶謠

還宮順平 魏煥龍樓盡絳霄日彩麗金貂猗鑪篆馥飄輦路花深漏響遙雲

耕樂御調法曲和笙簫隆禮備德音昭萬福來同際聖朝

大婚朝見次日皇后詣慈寧宮行慶賀禮皇太后御宮二章 中和韶樂

升座翕平 風始宏開萬福基厚德正坤維思齊啓嗣徽修栗雍宮贊贊時祥

暉駐玉墀鑾輅展文螭循茂典答皇慈日月承天曜二儀

還宮孚平 天地二儀平芼苻求賢內治成懿德續維行瓜瓞綿延慰聖情形

墀福喜盈揚翠蕙擢朱英旋輅節韶諶雲雉轉玉鸞鳴

大婚朝見次日皇帝御內殿二章 中和韶樂

升座播平 元氣昭融運二儀風始德宣詩春初瑞應時萬化淵源萬福基軒

裳肅茂規姒幄駐祥曦調玉琯衍金支鍾祉延釐頌聖慈

起座理平 虔作禮初成靈範柔雍翊聖清寶輅叶鸞鳴金虬彤墀喜氣盈雲

移雉扇明回地紐轉天紉雅樂譜韶諶珠露湛玉芝榮

大婚朝見次日皇后御內殿二章 中和韶樂

升座惠平 正始風開萬福原玉輅慶臨軒含章贊至尊乾曜坤儀應德元風

生九陛溫旭映六宮暄迎淑氣沐仁恩卿喬歲筵受祉繁

還宮祥平 繞轂花迎上苑春輦路淨無塵宮鶯囀語新內治修明樂最真清
芬挹藻蘋雅化溯睢麟歌采采詠振振茂祉繁釐慶翕臻

大婚朝見次日慶賀五章 丹陛大樂

皇太后升座皇帝行禮康平 祥雲麗九天丹陛歡承聖母前壽愷祝洪延垂
裕綿長紀萬千寶鼎裊香煙雙璧合五珠聯雅叶宮懸恩澤普福疇全

皇太后升座皇后行禮巽平 彩仗導丹戟韶咸樂奏八風宣宮花繞御筵鏤

檻文墀展細旂璆佩拜儀虔慈顏煦曼福駢山呼徧九埏元正月萬斯年

皇帝升座皇后行禮諧平 禕服歲筵茂典祥向日月輝光承天地久長容蹈

凝華德象彰和鳴協鳳凰景福集鸞鵲瞻袞冕節琚璫慶洽宮闈萬葉昌

羣臣行禮變平 紉縵星雲煥紫宸苞鳳采璘彬蘿圖萬福臻寶瑟瑤琴雅韻

新恩周雨露勻薄海慶同春凝鼎命闡坤珍鸞鵲偕登道路遵

宮中行禮晏平 彤庭瑞靄繁象服增華煥采明正位翊昇平德協坤貞品物

享來綏福履成輝黼黻式璜玕芬蔥引風清調鳳瑟叶鸞笙

大婚行禮次日筵宴皇帝御殿二章 中和韶樂

升座會平 祥光曜紫宸泰宇宏開九陛春雅化肇睢麟采荇歌兼詠采蘋蒹
海識尊親仰皇極頌皇仁仙樂奏咸鈞逢嘉會宴嘉賓

還宮忭平 慶典欣成日正中頌禱效呼嵩新承帝眷隆歡洽皇心喜氣融祥
煙靄九重綵仗擁花紅占人壽卜年豐聖澤覃敷六合同

大婚賜承恩公親屬宴二章 丹陛大樂

皇帝升座調平 左右肅班聯鳩鷺分行別後先戚晚萃親賢夔虎鳴鑾應管
絃鏗鏘禁漏傳瞻舜日觀堯天拜舞錦袍鮮列玉砌侍瓊筵

后父率親屬謝恩羣臣行禮介平 鎗煙篆裊香朶殿春和旭日長夔虎效賡
颺措笏垂紳玉佩鏘隆儀九拜影飮酒醴叶笙簧寶籙衍休祥綏福祿頌鴛鴦
大婚頒詔皇帝御殿二章 中和韶樂

升座端平 皇圖聖德宣金鏡調元喜共延紫極麗中天華祝嵩呼億萬年歡

聲動八埏階啟泰位乘乾瑞靄玉鑪煙輝玉卮炳珠璣

還宮融平 絲綸被萬方丹鳳書銜日月光天語懍煌煌慶典欣成錫祚長休

徵應雨暘顏有喜頌無疆盛治贊垂裳夔虎拜鳳鸞鏘

乾隆十七年重定慶典所奏禧平十五章 導迎樂

臨雍 崇聖尊道乾德下交思樂多士化流芹藻鼓篴徵經術昭聽講環宏育

陶

巡狩方嶽 琴麗六飛入蹕出警省方觀民施惠行慶一入行萬人幸載道歡

瞻天聖

元日進表 元正朝享臨御萬方閭闔通啓太平呈象旅貢陳軒樂張徧海隅

瞻帝光

長至進表 黃鍾應律玉琯迴陽書雲薦瑞迎日履長共球集詔濩張奉金函

來萬方

萬壽節進表 神聖文武提絜六符綬以眉壽幣宜多祐邁斗維呈瑞圖萬歲

聲山應呼

皇太后萬壽節進表 昭受天貺鍾慶發祥文母禔祉福隆尊養錫類蕃慈訓

彰億萬年臨壽康

皇后千秋節進表 坤德柔靜陰教順承益斯麟角允維嘉應寶冊鐫天慶膺

求嗣徽如月恒

進寶錄 昭示無垓謨烈聿皇垂布方策日星輝朗配典墳揚耿光永繹思綏

萬邦

進玉牒 瓜瓞滋長椒實衍昌公姓千億福疇維嚮定角仁朱芾皇錫類洪咸

樂康

頒時憲 欽若誠覃皇正朔頒分秒無忒玉衡齊貫敬授時宜暑寒稽事明民

庶歡

頒詔 申命重巽綸下九闢句出萌達百昌咸振象魏懸韶鐸巡德意宣天地

春

殿試送勝 賢綱寬整才俊畢登疏附先後一人維聖教澤長多士盈景運開
龍虎蒸

迎吻 皇作宮殿因地順天如竹苞矣美哉輪奐鳥翼飛松栢樾芋且甯居萬
年

皇帝親耕進種桂 晨作農正鸞輅勸耕種桂嘉種降康延慶帝耤開農政行
我稼同明賜成

皇后親蠶進筐鉤 戴勝告時西陵肇典爰舉懿筐爰臨柘館御鞠衣登瑞繭
金鉤陳嘉義展

皇帝耕耤三十六禾詞一章

雍正二年定

光華日月開青陽房星晨正呈農祥帝念民依重耕桑肇新千耤考典章告蠲
元辰時日良蒼龍鸞輅臨天闔青壇峙立西南方犧牲簠簋升芬芳皇心祇敬
天容莊黃幕致禮虔誠將禮成移蹕天田旁土膏沃洽春洋洋黛犂行地牛服
韁司農種桂盛青箱洪縻在手絲鞭揚率先稼穡爲民倡三推一撥制有常五

推九推數遞詳王公卿尹咸贊襄何人千耦列雁行
穫勅旣畢恩澤滂自天集福多豐穰來牟齋齋森紫芒
華赫赤甲秬稭秬秠三種黎白黃稷粟堅好碩且香
糜芑大穗盈尺長五菽五豆充龍塲稌粢麋九色糧
蜀秫玉黍兼東廩烏未同收除童梁雙歧合穎徧理疆
千箱萬斛收神倉四時順序百穀昌八區九有富蓋藏
歡騰億兆感聖皇

皇后采桑歌一章

乾隆七年定

躬耕禮成詔井桑蠶月吉巳迎辰祥金華紫闕五翟光瑞雲彩映椒塗黃壇南
宿戒惟宮張西陵展事搖珩璜齋肅恭敬柔雅彰金鉤綠纁懿簞筐尙功尙製
奉以將柔條在東涵露香鞠衣三摘鳴鳩翔月靈臨賁龍精昌黼黻五色質且
良昭事上帝祠蒸嘗儀型宇宙帥妃嬪衣食滋殖被萬方

清史稿

樂志五

樂章三 筵宴 鄉飲酒

太和殿閱皇太后徽號冊寶海上蟠桃一章

乾隆七年定

中和清樂

海上蟠桃乍熟日邊紅杏初芳慈韓履慶承天貺景福正綿長

一

啓蓬萊排仙

仗露漙漙凝仙掌褱衣翟服爛明璫耀金鋪日擁扶桑喜風和貽蕩鑑熏百和

香太平有象孝德光昌

二

殿當中雲光濛濛臨軒金闥啟孝思不匱重天常展

瑞函寶冊輝煌喜風和貽蕩鑑熏百和香太平有象孝德光昌

三

紫霞杯葡萄

醖九華鈴芙蓉桁流霞紺雪酌天漿頌期頤地久天長喜風和貽蕩鑑熏百和

香太平有象孝德光昌

四

玉衡平金波朗湛露融階萼長雲璈法曲奏清商奉

慈徽長信傳芳喜風和貽蕩鑑熏百和香太平有象孝德光昌

五

萬方玉食尊

親養孝治烝烝天下仰敬歌萬壽無疆

臣

嘉慶元年太上皇帝三大節筵宴三章

進饌中和清樂進茶進酒丹陛清樂

進饌英衍箕疇之章

英衍箕疇春滿瀛洲六甲慶重周功德誰儔位祿兼名

壽並包帝道王猷十全建極八徵念五福居辰百祿道駕蒼周軼赤劉共臚萬

萬添籌

解一敬維作所酬高厚園壇冬至齋宮就方壇夏至明禋奏祈年雩祭均

循候加玉表精忱縮鬯通聲臭珠囊氣協神祇祐

解二遵守寶籙朝朝誦大猷萬

乘謁珠邱冠服貽謀弓矢貽謀盛京賦賦鴻庥霞綢然處明如晝紀恩堂堂構

綢繆習騎射御驂驢歲歲木蘭蒐狩

解三

宵衣問夜傳清漏瑤殿上勤政名留不

待雞人報曉籌然絳蠟答詞頭

解四

睿慮充周後樂先憂茅檐葺屋蓋藏謀不惜

金鏐蠲租賜復登仁壽茨梁在野羅漿酒吉亥親耕勸早穫雨暘驛遞馳封奏

沃壤年年報有秋

解五

包羅星宿御丹毫文成萬首味腴餐秀有數萬餘篇摘綿

繡丹黃四庫皆經奏更臨雍宣講璧水瓊梧欣覩禮成粹榮又看典茂鴻都石

經鐫就

解六

二十矢天弧穀廣運南朔東西威稜處處周拓疆二萬亥步全收遐

陬襁負投歸降歸順更兼廊喀鯤番一候

解七

仁壽貞符同輻輳十一世金枝秀

聯珠合璧月將日就二千里黃河清漱仙蝶呈祥晴雪後慶昌期中天候重逢

重遊^八玉燭金甌天行一日一周孜孜惟日耄期猶自強不息符乾九膺篤祐

瑤英珠簪子帝承歡千萬壽

^詩

進茶玉燭調元之章 玉燭調元日彩旭曠曠正聯珠合璧慶重逢星輝雲爛

萬和風角亢吐耀辰居拱春意盎瑞光融看萬年枝更動萬年觴奉添籌積算

乾綱總一家堯舜貞符共繞陞雲烟擁壽介衛尊恩流寶璽^一主敬宸衷後天

而奉紀元周甲蘿圖鞏隆授受養尊崇積京垓臣民頌萬祺慶延洪如日方中

麗桐軒輝松棟^二賦絲綿椒衍金枝重五福名堂萬福同瑞牒書石衆瑞徵麟

趾慶恒鍾繩繩繼繼疊見祥雲擁祝來曷奕祺荷蒼穹^三武於鏢十全同頌文

丕煥四德俱隆箕籌錫福福來崇皇極慶道泰時雍^四恩勝制科先中慶遭逢

杏花春雨桂秋風澤胤洪年逾耆耄觀光師遠超五老首曹松首曹松七句以

外成均貢^五會耆英三千衆奏鈞天廣樂同雲夢甘膏渥湛露濃十年方舉燕

方曠鳩飾許攜節^六藏富三農八蠲常貢偏隅薄歎停輪供問賜雨罷租庸樂

京坻勤耕種鼓腹共融融寰宇綏豐舞康衢廣頌頌^七就日瞻雲九字同占風

協律集球共嶽修川效朝正衆拓輿圖河玉山葱里逾二萬入堯封奉車書玉

帛重重八昌辰嘉會隆儀重聽雅樂九成鳴鳳八極盡承風九瀛齊獻頌註

進酒日麗瓊霄之章 日麗瓊霄春風先益蓬萊島樂奏簫韶天賜徵難老解一

祇承皇道歡心萬國會三朝正壽添玉莢更斗轉珠杓紉綬綬袞衣依黼座爛

輝輝瑤琤奉瓊膏慶昌辰重光重潤仰景運稽舜稽堯養隆山海美軼祁姚解二

奕葉臚歡衍慶饒詠振振瑞牒標瑤林琪樹萬尋高蘭芽馥郁彤墀繞幔亭仙

樂元音妙祥光絢鳳條祥飈暖鳳巢集雲初獻壽和風劭欣舞綵燦螭坳解三列

清班鴈鷺翮高鹽梅一氣調看蕭蕭衣冠拜絳旆北闕開催曉箭西山爽靜鳴

梢樹沆瀣酌蒲萄解四欣邈英日轉槐龍清影搖更集賢風綏梅花雜絮飄喜華

纓共彰爐烟暖未消鳳池頭仙翰染鸞掖外珮聲敲齊祝頌聖壽天高解五更皤

皤黃髮飄玉杖初扶來聽雲璈祝萬八昌期鎬燕列三千吉語衢謠解六皇州暖

淑氣調千門萬戶歡聲早九衢初旭和光繞東華紅輕雲烟裊黃圖紫陌總臚

歡萬年枝上鳴春鳥解七聯三殿達四郊綿區宇茅檐表綺陸繡窰農功早提

壺布穀春聲好兕觥共願獻公堂衛尊衛室歌鴻造八解威棱震德化遙王會冠

裳海角山椒長股儺僥瑤階上干羽功昭趨闔闔拜舞兼歡蹈而父間赤帝飄

飄紉牛露犬輸奇寶兜離僂昧盡入咸韶九解玉河縹緲星海迢迢占城馴擾揮

國招邀南掌山高荷蘭飄飄卻值元正齊到慶中天仰碧霄路繞銅標韻叶鸞

鑣占青雲疊來重譯趨黃道共上輕輶會嘉慶舞雲翹南諸北燮祥輝耀鳧超

魚藻式燕翔翱十解軼黃農超羲昊進長生水玉膏金鑑常懸帝範高羣欽帝德

巍巍煥珠弧上瑞先昭泰策乾符上下交頌兼容並包積京垓億兆霞觴重酌

種蟠桃起許

皇帝三大節上元除夕筵宴三章進茶進酒丹陛清樂進饌中和清樂

進茶海宇昇平日之章海宇昇平日景物雍熙偏乾坤草木樂清時河清海

宴麥雙歧麟游鳳集枝連理風濤濤日依依正蓬壺乍啓天顏有喜金門嶰竹

傳仙吹金猊篆裊香烟細合殿歡聲殷地一統山河萬年天子一解佳氣佳瑞滿

皇畿天門跌蕩御筵披千峯疊嶂排晴翠動龍蛇日煖旌旗青蔥玉樹萬年枝

燕溫溫玉祀金墀

解二

天工四序平分歲皇心惟念小民依一自農功始祈寒暑

雨徧疇咨崇墉櫺比豐樂成民瑞真民瑞茅檐外簫鼓樂陶詩

解三

溯當年深仁

厚澤到於今累洽重熙皇心繼述踵前徽勤宵旰敕惟時惟幾

解四

孝饗吉蠲修

祀事奉明粢于豆于登祝繁禧爲民祈聖心無逸天庥至天心賜福聖無爲聖

無爲太平恭已垂裳治

解五

得賢臣襄上理賁千旌連茹彙征至蟬有綏鷺在墀

九苞颺彩映朝曦來集上林枝

解六

民俗恬熙盈寧婦子康衢黃髮偕兒齒食舊

德服新菑想中天堯舜世鼓腹共游嬉亦越於茲戴堯天遵舜軌

解七

重譯來時

梯航萬里冠裳玉帛圖王會於萬載太平基想中天堯舜世鼓腹共游嬉亦越

於茲戴堯天遵舜軌

解八

皇心和豫陽春似自萬類光輝盛美四海共傾葵五雲

齊獻瑞

辭

進酒玉殿雲開之章

玉殿雲開金門春在蓬壺界日月昭回景福齊天大

解一

乾坤清泰五雲深處是三台看句陳北指更開道南迴明朗朗左樞兼上相爛

熒熒龍角枕河魁際中天珠聯璧合仰紫極騰至見來一人有慶萬國春臺

解二

府事修和顓俊才扇仁風徧九垓萬方樂育仰栽培一人宵旰符眞宰幾康劫

愆天工代民生亦快哉饗殮廬聖懷勸憂勤保大持盈泰歌帝力望堯階三香

馥馥荀荀潑醅天漿泛玉杯光灩灩露從仙掌開北斗傾萬壽觴南山獻延壽

杯慶玉食萬方來四看蓬瀛春煖林樹間早梅喜風和日麗年華入睿裁況山

嶺水隈玲瓏萬卉開綠芊芊薛似茵紅灼灼花如海雨過也隱隱輕雷五到清

和暑風來茂對乘時長景恢台敞水殿紅紛綠駭曳隨颺楊柳毵毵六金鷗至

商序回清秋皓月揚光彩芙蓉初日舒蓓蕾平疇纒纒黃雲謁歲登大有萬民

歡皇仁優渥敷天戴七寒雲匝四序垓一陽來復天心泰兕觥醺酒公堂介豐

年蜡饗吹豳賽乾資美利本無言帝恩廣運眞無外八天呈瑞愜睿懷金鏡光

輝玉燭和諧鳴鳳雛峭堦上雲影徘徊舜琴中愜爲吾民解奏南薰還阜民

財冠裳玉帛圖王會皇風蕩蕩聖德巍巍九淵思往代茅茨土階不圖不繪黃

屋心齋不築崔嵬不重玫瑰不貴腥羶蘋醢卻猩脣減豹胎惟寶賢才亦有鹽

梅和舟楫九棘三槐念民依饑渴殷懷願時和田不汙萊神倉御廩藏精粹五

風十雨無僭無差

解十

日晶爰雲飄飄黃葉芳生玉階紺露丹霞接上台帝居深

在蓬萊泛瑤觴玉罍雲舘宮漏銅壺緩緩催頌元首明哉喜君展臣拜太平時

節萬年杯

許廷

進饌萬象清寧之章 萬象清寧海寓承平瑞日麗彤廷乾主大生坤職資生

四序不言而成宸居端拱敷皇極帝道無爲法健行五緯明百度貞萬邦額手

歡慶

解一

軒圖麗日懸金鏡堯階蕝莢舒長景陽回黍谷開春令帝車運轉杓柳

柄天道本無言主德惟居敬萬邦咸頌吾皇聖

解二

歡幸累洽重熙際太平萬國

獻葵誠簪紱盈廷筐篚充庭圖王會奏咸英微颺不動珠簾卷露溥溥仙掌高

擎酒初馨薦瑤觥共祝一人有慶

解三

形墀上花軋布影瑤階上鎚烟細生鳳凰

鳩鵲敞雲屏宮漏悄玉壺清

解四

泰階久平大有屢登上林草木瑞光凝卿雲景

星梯航萬國冠裳整香烟盎盎排蓮井宮殿風微仙樂盈九成韶箭來儀鳳穆

肅天谷睟以清

解五

庭燎初炳仰垂裳一人有慶明離午正又千道彩霞籠瑞景

西山戢戢分翠黛共南山獻壽北斗天漿溟滓天長地久永茲九野盈寧萬方

綏定

解六

念世德承天命況復寶籙鴻圖嘉祥歲歲呈五風十雨九穗雙歧紫芝

朱草榮木華連理更兼之屈軼階前指佞

解七

欣慶際昌期觀聖政億萬載培周

鼎宵衣旰食日邁月征殫厥心爲民求瘼菖葉拙時花綻杏寫翻風又思省春

省秋省

解八

玉振金聲皇朝功德慶成從此年年獻兕觥佳節良辰喜交並傾堯

酒堯棟雲生壽籙綿綿天共永

解九

除夕上元上燈火樹星橋一章

乾隆七年定

中和清樂

火樹星橋爛煌煌鎧月連宵夜如晝春風料峭鈞天奏徹箭韶烟雲中瑞靄交

籠著皎綃綿繡叢萬花繚繞魚龍天矯嵩祝聲高

解一

分明是洞天是絳霄分明

是靈臺靈囿靈沼更春光乍到景物喧妍雨露饒又黃上柳條漏洩春陽在野

橋

解二

賀聖朝世德遙鬱隆隆日麗宵聖嗣聖重明繼照萬民歡樂萬方熙皞昇

平節瑞應昭瓊蕊飄蕭寶殿開法曲雲璈魚龍天矯嵩祝聲高

解三

金枝縣氣飄

西吹琉璃四照影娥池風燭燒百子池涎熱龍膏九華鎧篆烟消寒星粲粲綏

銀霄蟻穿九曲珠光耀好良宵是皇家景福滔滔

解四

滿山椒花簇百枝嬌月輪

正高鐙和月一片冰霄是皇家景福滔滔解五殿當中黼座高春悄銅壺漫敲笙

歌千萬里而遙是皇家景福滔滔解六良宵正好正好良宵看皇都萬井多娛樂

良宵正好正好良宵蓬壺清竒銀海光搖白和香霏瑤島紫羅襪繡綵飄花恰

市東風吹飽同慶清朝解七小梅梢暗香浮動淡烟籠罩月上柔枝露滴輕苞今

宵裏巷舞衢歌徧寰瀛同慶清朝解八願春光年年好三五迢迢不夜城燈月交

奉宸歡暮暮朝朝成喬成卿萬朶祥雲護帝霄解九

雍正二年耕藉禮成筵宴三章

進茶雨暘時若之章 祥開黼座兮布瓊筵笙歌迭奏兮天樂宣三推既舉兮

賜豐年五風十雨兮時不愆優渥霑足兮溉大田皇心悅豫兮福祿綿

進酒五穀豐登之章 龍犁轉兮春風生帝勤稼穡兮供粢盛戒農用兮勸服

耕富教化行兮百穀成禾九穗兮麥兩莖黍稷重穰兮充棟楹歲登大有兮怡

聖情堯樽特進兮玉醴盈勞酒禮飲兮迺鐫京

進饌家治人足之章 嘉禾炊饌兮雲子芳仙廚瓊粒兮已箸香吾皇重農兮

禮肅將明昭威格兮錫嘉祥千倉萬箱兮百穀穰崇墉比櫛兮遙相望豐亨樂利兮遍八方家多充積兮野餘糧含哺鼓腹兮化日長朝饔夕飧兮壽而康萬邦同慶兮瓏圖昌

乾隆七年重定耕藉筵宴三章 進茶進酒丹陛清樂進饌中和清樂

進茶喜春光之章 喜春光將瑞靄集斗杓運農祥正土脈融平野水泉滋景

風至農夫塗脛長隄柳繭館條桑映簑共笠村謳相永頌元后眉壽萬年育我

民四方歡慶解一看風鳥翔玉樹外帝座臨瑞階影百辟趨摺笏共朝天樞衣拜

田夫瞻望簫韶奏磬管聲依永寢園內朱櫻初迸玉井藕十丈移根安期棗似

瓜晶瑩解二是瑤池來閬苑薦世間物如何並嫌雪甜王母遠相將笑留核冰桃

還勝吾皇念菽粟員民命異物捐芳甘俱屏富方穀在歲有秋勞則思若時恒

性解三辨土宜頌月令徧紫陌野人望杏玉盤待賜紅垂上苑櫻解

進酒雲和迭奏之章 雲和迭奏聽倉庚載鳴玉壺清漏萬井歡娛桑柘陰濃

綠樹稠紅牆外柳絲微彈鴉黃瘦更桃李暄妍晴晝聖天子勞民勸相今日青

輶黛耜芳塋如緇

解一

霞觴獻壽願吾皇萬年與天齊耆玉罍金幣柏葉芳馨絲

蟻浮彤墀下緋衣玉帶兼青綬更父老撫趨在後共慶祝皇圖鞏固從此五風

十雨年年大有

解二

皇心在宥念春風始和不忘耕耨婦子盈甯宵旰仍懷饑溺

憂深宮內心齋常屏瑤池酒喜天緒既栽黃茂坐廣廈與民同樂但見遐阡邈

陌黃童白叟

解三

芳旨陳金石奏進九醞在廷拜手萬年永錫稱觥樂有秋

詳

進饌風和日麗之章

風和日麗時鳥初喚春晴卓午清暉外一犁春雨玉砌

旁萬年芳樹共慶天田成禮後聖主一游一豫看零雨桑田疏疏秧馬闌闌村

鼓

解一

雲開寶殿玉案初進金盤齊舉蘭英末盈盈翠醕蓬池膾紛紛細縷玉粒

長腰雲子飯來自神倉天庾正樂奏咸英春旗簇仗塗歌巷舞

解二

吾皇座念四

海黔首吾胞吾與所無逸九功六府繪圖風築場治圃一粟一絲民力在信是

農家辛苦更問夜求衣亮功熙績治登三五

解三

勸九歌修六府飭太史順時規

土禮成樂備堯廚扇蓬蒿

詳

乾隆四十八年乾清宮普宴宗親三章

進茶進酒丹陛清樂進饌中和清樂

進茶瑞旭中天麗之章 瑞旭中天麗慶溢昌期敵金門嘉叙宗支叢雲五色

蔭仙芝華林萬樹連瑤祀光煜煥景逶迤正韶風乍吹奉乾清燕喜奉乾清燕

喜天家慶篤重光瑞五雲深處龍樓侍寶胄衍振振公子九族天親九重樂事

解一蕃祉嘉燕播仁慈播仁慈因緣時節匪遲遲銀潢一派瞻天咫瞻天咫並家

人禮拜丹墀並家人禮拜丹墀寅秩惇叙典行時更鴻儀同瞻光被解二椒繁猷

衍瓊華紀都從若木秀新枝襲慶從今始特恩四品列華資雁行接次綵服紆

金紫尊其位富貴以親之解三棟華篇軒宮展愛梓材書疆猷敷菑宸躬教養本

無私中天顯庸庸祗祗解四合族敦宗傳古禮肆筵几行葦方苞叶歌詩太平時

同榮壹體華連理同苗異畝穗雙歧穗雙歧周家仁政親親始解五况皇朝洪錫

類賁天庥光贊放勳治恩載推禮則宜鳳麟左右並來儀黃幕受洪釐解六影颺

蒼旌聲騰仙吹言情俯講家人禮仙掌露似珠霏仙掌露似珠霏帕傳柑盤撒

荔滿袖共香携寵沐無涯拜恩華玉案底拜恩華玉案底解七寶序相輝溫顏有

喜篚筐昭貺便蕃意陳玉帛以將之燦精鏐列錦綺御墨與封題寵沐無涯拜

恩華玉案底拜恩華玉案底八曦輪垂照光輝美億萬載花附韓韓禮樂茂前

徽史書欽聖瑞註

進酒珠斗杓迴之章 珠斗杓迴銅龍春靄祥雲繪壽寓熙臺慶衍靈長派解一

天潢喜會九華敷影扇菱開看天榆銀映更日杏紅栽輝爛爛綵屏翔玉勝馥

霏霏仙木問宮梅接花茵宗英師濟仰紫座文治昭回瑞綿姬籙氣盎堯階解二

化日舒遲景蕩聯聯葛跼樂肴飴瓜緇百世淵幽邵雲初萬葉猗蘭莖蟠根仙

李嗤唐代承華懋哉玉牒鏤瓊瑰導璇源鳴綠三江大球琳品栢幹材球琳品

栢幹材解三躋濟濟寶冑肩排天家一氣培展懿親仁恩敷眷懷肅肅兮珪瓊酬

雍雍也金石諧接武上天街解四喜酬庸五等一番爵賞開慶悼宗九族一般衰

繡裁總擢秀三台一時蕃翰才荷龍章寵載頒承鳳紵銜新拜列坐處紫綬青

綬解五望南山獻頌來辛韭登盤剛卯鐫牌光艷艷麟衫鶴彩羽翩翩花翎黃帶

解六晴雪影映松釵鎰烟金穗飄芳靄粉楣牋帖垂銀雍唐花繡繡珠千琲觚稜

鳩鵲旭初升宮壺仙漏春如海解七祥麟趾威鳳喙金華葩瑤承芝蓋蒼龍子魄

賜青旆昭華瑞瑄三陽泰周家宗室是城垣高陽才子多元凱

八解

椒花醴柏葉

醅露湛尊罍霞映罍恩風扇金階黃幄上曦御徘徊泛瑤觴玉是和闐探泛瑤

觴玉是和闐探二千人歌詠榮懷天顏笑語春生靄東西序列昭穆班排

九解

金

枝玉蕾蕙蘭萼棣華孔懷葵蕭樂世不立監催不藉卿陪不用糾儀史在化

雍和時麗佳芽返宮槐頌進臺萊斟和氣耐象清淮聽和聲樂奮春雷聽和聲

樂奮春雷願年年北斗樽迴東廂壽酒庶歌拜旅酬禮洽積慶圖開

十解

受洪禧

千萬載降福穰穰孔皆六幕和風扇九垓融融佳氣蓬萊仰堯文蕩蕩巍巍親

睦平章酒化推更行葦篇裁協簫韶天籟五雲長奉紫霞杯

十一解

進饌景麗仙瀛之章景麗仙瀛雲霓彤庭煜煜燦芝英春風送晴春露含清

寶鑑香篆徐縈羽儀幸接青霄路紳佩欣聯紫闥情驚鸞鳴蕤蒨生萬年珠樹

同慶

十二解

金支派衍雲初盛一規仁壽懸高鏡卿雲色饗瓊枝映工歌先唱麟之

定阿閣動和風步履三霄聽趨陪邀得大家幸

十三解

堪慶四海熙和際治平丹陛

彩霞明枝耀華萃葉茂祥蓂宜韶濩奏咸英中天華日曡曡正瀉金珠滿溢金

莖延皇屬論宗盟亘古於斯爲盛

解三

看樓角初陽暹映聽枝上宮鶯早鳴天廚

特敕賜芳馨春有腳似恩榮

解四

金盤自明玉盃自瑩山映水篆未須稱蘭蕙

烝由來禁樹誇珍盛滄熬將出龍頭鼎多是鹽梅滋味成不須更啖如瓜棗但

飽天恩總益齡

解五

龍墀位定慶振振寶牒分榮祥鍾鵲果迓多福自天申景命

今朝公姓駢蕃會念靈根式固日幹光華交映洪釐懋錫好占五色雲邊宗人

星炳

解六

晝漏永瑤階靜遙見雉尾雙開天顏喜氣凝展親誼篤溫綸歟被廣殿

樂盈盈氣求聲應頌茂緒彪鴻一人有慶

解七

深幸鎬京詩同拜命棣萼會安能

並分餐玉食鳳髓麟羹更飄來仙音一片暖律新調笙吹應低春膏恰今番人

勝花勝

解八

愷樂歌成咸邀四品殊榮俊髦耆年總玉潢賁子歸來黃帕擎慶仙

源景福凝承彩雲長護蓬萊頂

解九

乾隆五十年千叟宴三章

進茶進酒升陞清樂進饌中和清樂

進茶壽愷昇平瑞之章 壽愷昇平瑞慶叶重熙仰宸躬行健天儀乾符象顯

泰階期久於其道唐虞際超頌佶軼循蜚正宵衣旰食德之純不已德之純不

已與圖二萬鴻勳啟全書三萬奎文麗允文武古稀天子四海義圖萬年軒紀

五燕啟拜舞首宗支首宗支公卿牧伯共追隨歸田人許扶鳩至扶鳩至更陪

臣海外高麗更陪臣海外高麗封翁壽爵上丹墀並蟠蟠皓首龐眉

二黃鸝練

雀羣僚底兜登隊帥旅熊熊濟濟章縫士宸躬撫錫徧羣黎老農匠藝鼓舞軒

璚喜軒璚喜春筵上萬萬萃期頤

三溯當年龍光喜起到於今燕翼謀貽五皇

繼述茂前徽重開燕重光奕麗

四尙爵朝廷先尙齒觥稱兕千復千人介維祺

樂清時東膠養老三王治南山獻頌九如詩九如詩引年今日多加禮

五況天

家諸福備慶曾元五代同堂喜桐有蕤蘭載猗春風花發萬年枝瓜瓞衍洪禔

六福有由基人惟德致君王有道嘉祥備風皞皞景熙熙風皞皞景熙熙合諸

天環大地都是吉雲垂日月無私普人間添甲子普人間添甲子

七寶翰天題

元音虞陞人分一首廣颺義聯百韵柏梁詩聯百韵柏梁詩帝庸歌人七字金

石播英詞日月無私普人間添甲子普人間添甲子

八天人嘉應重華世問史

策誰能媲美珥筆慶昌期稱觴千萬歲

終

進酒紫禁春開之章 紫禁春開壺天雲謁羣仙會願祝臺萊春滿三千界

解一

春風寰海紫霞同上萬年杯仰乾清辰共正泰運天開紅瑟瑟初陽昇若木白

輝輝晴雪在宮槐換桃符千門懸彩喧爆竹萬戶轟雷南弧獻瑞北斗斟

解二

大禹崇情惡旨懷但尋常卻酒杯獸樽庭下醴成醅衢樽陌上春濃海瓦樽田

畔盤堆菜同浮玉罍不是等閒排是豳風春酒公堂介稱觥衆徧九垓稱觥衆

徧九垓

解三

雲縵縵危瑤瓊瓊瓊映玉階光灩灩和闐白玉材碧璽漿芳滿壺

黃封醞甘滿罍德產自西來

解四

有年華九十幾人壽耆齡更頭銜一品幾人廊

廟材總優老恩推幾人手賜杯照天光席近前斟天酒春生鷺三爵也酖貌春

回

解五

更芳筵布兩階蕙苒蕙廚桃實瑤臺但到處飽餐沆瀣問何人曾聞天籟

解六三百歲合三槐綸扉阿伍兼嵇蔡朝天免使晨星戴寒風免使朝珂待天恩

願養享康寧傳來感激羣寮案

解七

瞻雲日閱蟠來春巡六度江干屆春綸兩度

殊恩沛新銜司業諸生拜持將百五歲春秋酬恩萬倍壽添海

解八

堯尊沛周賚

排如意瓊材綉綬雲裁鳩杖天街三十兩人帶銀牌萬民衣字寫皇恩大萬民

衣字寫皇恩大帶爐烟奉出瑤階兒孫巷陌傳佳話人間誰到天上初回

九山解

龍繡綵金石雍諧德貫三才堂顏五代勝上春臺勝拜堯階勝祝華封人在帝

揮紆民阜財壽世義媧大有埏垓問來朝菜甲挑纔樂春盤有酒如淮樂春盤

有酒如淮願年年天上春來香山洛社人千倍燕毛禮治燕喜圖開

十願從今解

嘉會再壽宿長明上台千叟恩榮燕屢開重將十體詩排積篇章無量京垓敷

錫宜民福孔皆感雨露恩栽壽佛醍醐海五雲長是繞蓬萊

莊詳

進饌壽字同登之章 壽字同登萬國咸甯協氣徧寰瀛三霄露盈三殿春生

一人端拱乾清鵲鏹鸞扇祥烟裊珠樹銀旛繡影繁鸞序橫虎拜成布筵設席

同慶

一解

先春瑞雪農祥正上辛一日豐年定鷄竿詔下新詔令階蓂六葉良辰

慶迎氣浹旬旂剪綵來朝勝駢蕃瑞叶筵前應

二解

昭敬白髮蒼顏氣屏營黃帕

正高擎瑤檻趨迎瓊陛階升移雕案近金莖柘黃繖直龍銜柄望紅雲低傍前

檻調寶鼎管仙羹奉向御筵端正

三解

何須侈麟腴鳳脰何須詔駝峰豹羹君王

盱食爲民情菲飲食禹功成

四解

綬桃露零碧藕風清橘梨大谷瑞烟凝金盤幾

層安期巨棗如瓜贈銀饌粒枚高頭釘不是尋常燕席橫回城三果徠包貢帝

藉天禾種得成

解五

龍墀排定啟黃封四豆甘凝天卮味永看八百瓊筵班列整

羣臣長飽天家祿有田間瓦甌鼓腹兒孫偕慶今朝筵上又來飽德堯廚含滋

周鼎

解六

執醬爵祝噎哽更有春仲羅鳩君親袒割牲古儒傳會諸儒掇拾何如

此日誠一堂和樂仰君酢臣酌情親禮敬

解七

歡慶玉筵頌天語命克食賜傳餐

盛鼎珍禁樹共得斟羹更招來孫曾扶掖六膳携歸仙味復飫堯廚荷分惠衛

樽非幸

解八

授几儀成三千黃髮盈庭今古何人見此曾億兆京垓燕屢行願長

此萬壽稱觥照世杯明仁壽鏡

解九

乾隆九年幸翰林院筵宴三章

進茶進酒丹陛清樂進饌中和清樂

進茶文物京華盛之章

文物京華盛論道崇儒萃衣冠禮樂在鴻都木天藻

飾舊規模罩飛鳥革何軒森麟在囿鳳棲梧牙籤分四庫更芸香辟蠹綺窗青

鎖朱戶颺輪不隔瀛洲路鈴索丁冬風度窸窣雍容鴈行鸞序

解一

欣遇欣遇小

春初五雲深處啟鑾輿鳴鳶風紉雲霞曙擁橋門萬歲山呼詞林曠典古今無

沂心源上接唐虞二聖皇自昔需元輔都兪吁咈矢嘉謨解敷學先稽古旁求爰

立夢相符後先疏附左右皆心膂皆心膂如魚水在藻更依蒲三況我朝雨露

涵濡探瓊材並植天衢承明著作重璠璣欲方駕子雲相如四聖學高深超遂

古得元珠乙夜丹黃性所娛不知劬琳琅宛委圖書府赤文綠字德充符德充

符敦龐渾厚登三五五夏球琳鳴篋虞虞際中天堂上虞琴撫獻堯樽接舜壺金

璫玉脂出仙廚湛露共霑濡六魏換天書鸞翔鳳翥義文奎畫雲霞護光藻井

麗金鋪矢卷阿零露滑枚馬共嚴徐億萬斯年慶龍光歌燕譽七勛爾暨裾勉

思建樹風雲月露終無取崇實行是真儒矢卷阿零露滑枚馬共嚴徐億萬斯

年慶龍光歌燕譽八翠華臨幸恩光溥重儒術榮生藝圃天祿被春風石渠霑

化雨九歲時嘉慶九年幸翰林院樂章改第二解欣遇欣遇仲春初餘詞同

進酒延閣雲濃之章 延閣雲濃蘭臺日麗鑾輿莅香泛玻璃九醞傳仙醴一

深嚴丹地高張黼座而南離看廣庭碧蔭早清露晨晞錦煊燐綵仗和風度玉

琮琤香階晝漏移光潋灩雲開蓬島霧氤氲香裊金猊鳳來丹穴鶴在丹墀二

雲漢爲章際盛時命冬官斧藻施雕楹玉砌煥玉楣采椽不斲無華侈伍經貯

腹便便筭臨軒集衆思賢才聖所資慕神仙虛妄誠無謂惟得止致雍熙

三啟

天祿斯文在茲宵然太乙藜入承明花甌日影移覆錦袍蒙眷禮撤金蓮歸院

遲賜玉贈自蓬池

四解

緬崆峒問道虛懷謁具茨更金華侍講流清鑒不疲信鴻

遠羽儀通經淺漢章樂橫汾燕鎬京歌在藻思行葦咸英奏春酒初醖

五解

集簪

裾燕鳳池柳外輕颺曲沼漣漪陋宋主賞花垂釣笑唐宗結彩評詩

六解

班聯肅

樂有儀天廚下逮皆珍味凝甘天酒還如醴御鑪鑿鑿香烟細廢歌颺拜萬年

歡年年侍奉天顏喜

七解

天顏喜福履綏太和保合中天世珠聯璧合奎垣麗一

心妙衍圖書秘庶歌颺拜萬年歡年年侍奉天顏喜

八解

玉河東抱清且漣兮斯

干既詠不日成之稽古論思銀牋親題用作儒林之氣培其根達其枝無貳無

欺若作和羹爲舟楫惟爾攸資思贊襄日有孜孜亮天工庶績咸熙須將器識

先文藝有爲有守汝翼汝爲

九解

洪露濃卿雲麗滿院芝蘭臭味秋水兼葭寤寐

思鶴書時賁嚴隈伴青松商維仙芝拜手羣歌既醉詩更束帛安車徧山巔水

渭得賢致理聖無爲

趙薛嘉慶九年改第九解補古論思爲天祿臨材餘詞同

進饌玉署延英之章

玉署延英環佩葱珩法駕幸蓬瀛龍口琮琤碧沼澄清

壺天一鏡空明廣筵日近祥雲履阿閣風微寶篆縈象緯呈泰階平儒林額手

歡慶

解一

皇心無逸常居敬松軒雲牖勞咨儆深宮遐覽千秋鏡淵思汲古資修

綆唐虞授受親奎壁圖書炳百年禮樂於斯盛

解二

多幸朝野從容際治平麟閣

集簪纓鳳敞雲屏鶴立軒庭徵法曲奏咸英青袍紅綬相輝映露瀼瀼芳瀉瑤

觥瑟黃流飫大烹共祝一人有慶

解三

小山上參差桂影梧桐上離離鳳鳴尊

次第沐芳馨早斜日映簾旌

解四

三都兩京鼓吹縱橫五車四庫擷精英大鳴小

鳴柏梁黃竹追高詠仰看五緯駢東井天獻珍符答睿情何止高陽聚德星

解五

天心籲俊灼知見宅心三俊自天保定更保佑自天中景命思皇多士生王國

更拔茅連茹多士彙征並進白駒空谷尙無金玉爾音席珍待聘

解六

行漏永銅

烏靜從此書帶芊綿承恩盡向榮五老游河堯心光被垂衣文教成萬方矯首

喜蜉蝣蟋蟀氣求聲應

解七

堪慶佩褱囊隨後乘秘書省龍光炳丹黃點勘削簡

汗青勤著述手鐸日覽玉尺冰裁時共懷入承明不須看花影甄影入玉振金聲儒林徧荷殊榮五色雲從畫棟生石室芸臺有餘清頌聖壽悠久高明學海年年仍望幸超群嘉慶九年詞同

乾隆五十年臨雍賜茶君師兼一章 丹陛清樂

仰君師兼道統集講筵啟園橋聽御論宣皇極示綱常五倫叙君仁臣敬家慈孝與國人交正誠不息維天之命體行健同德乾元暨緝熙同符前聖解一向階

前初聽講能穆穆瞻天垣正左右趨耆彥服膺誠摠衣拜朝班疊序聖賢裔弟子青衿整紹心學外王內聖五十載久道而成萬千歲生民之盛解二况鴻儀彰

盛典備四門學歧周並王制云天子曰辟雍笑炎漢三雍非正訓辭著復古真王政泥古誣重言申命燕千叟新歲禮行辦五更舊文論定解三告禮成皆玉茗

霑渥賜敷茵共慶一規璧水長隨教澤生註

嘉慶三年臨雍賜茶皇圖昌一章 丹陛清樂

正皇圖昌道揆協典文啟師儒盛序仲春諏曰吉辰良廣筵肆園橋觀聽崇經

義屏百家浮競敦實學人知興行屬羣蒙惟聖敷言衆說邪折衷彝訓解一會章

縫談經講席抑抑威儀攸慎集大昕先鼓儆於庭偕槐市同瞻雲日大哉言著

論千秋準本皇極大中至正景聖域鼓舞奮興溯文瀾優游涵泳解二喜春風暄

化雨浥菁莪長薪樵詠踰漢庭惇誨集石渠更天祿羣儒參證軼唐代陸孔苞

經訓玉燭調珠璣金鏡霑教澤庶彙敷榮肅御辰兩言敬勝解三告禮成晉玉茗

霑渥賜敷茵共慶作人壽考延洪億萬齡解

乾隆十四年金川凱旋豐澤園筵宴三章 進茶進酒丹陛清樂進饌中和清

樂

進茶景運乾坤泰之章 景運乾坤泰八表歸懷迅除戎玉帛陣雲開一封箋

表達堯階天顏大霽宣宸案抒壯略運奇才建膚功奏凱永枚寄邊界錦江春

色消烟靄人工健美天工代方叔師干應賽績著旂常榮褒圭玠解一指授指授

物宜差何殊吉甫頌平淮運籌帷幄成功快賀澄清燕啟蓬萊祥光煥煜襲累

恩暖融融瑞氣南來解二歸而飲至垂方策平安火報樂無涯五服施章采萬方

寧謚陟春臺市書玉帛不冒如天大同天大慶庸列爵耀三台解三緬嚴冬旅

麾色展喜今春笳鼓聲諸都緣廟略聖親裁移時節掃浮雲浮埃解四我武維揚

羣虎拜詠良哉來享來王巨紘垓貢金臺洗兵何必臨魚海作舟端藉濟川材

濟川材還資變理調仙舫解五望前途戈倒載荷包蒙赦宥加寬貸驅獸散叶風

嗜用遏蠻方福孔皆深蠻喜盈階解六花雨輕節香雲結靄鴻鈞氣轉陽和肩拈

杏賴量桃腮瞻盈筐嘉實采玉案早安排春並恩長暢宸襟符帝贊解七三殿歡

諧千官樂愷堯尊舜樂欣重再知有喜永無猜瞻盈筐嘉實采玉案早安排春

並恩長暢宸襟符帝贊解八明良遭際光千載喜振旅歡騰中外駿烈協庶歌鴻

猷標史冊解九

進酒聖德誕敷之章 聖德誕敷皇威遠布資元輔授鉞前驅蕩定昭神武解一

鳴張巴蜀臨軒推轂掌兵符便霜戈西指更羽騎南趨威凜凜先聲馳遠徼顯

巍巍撻伐密孤虛仰台垣權操左相寄專閫星耀中樞濯征咫尺克捷須臾解二

奮武揆文秉聖謨甫臨衝奏捷書觀光揚烈烈志何如申明紀律嚴軍伍指揮決

勝天威助風雲入陣圖機宜式範模勵公忠德教忙宜諭恢復載宥頑愚

三承解

睿算天兵勦除何愁蜀道紆卜遄征鷹揚出上都凍日寒棧入雲嚴風勁雪載

塗乘輻走殫勤

四解

乍營開細柳溫同挾纘餘懷自天成命聲靈震八區把宵

人剪除握要似摧枯息氛殺淬戈鋌修文德陳干羽振士氣忠信交孚

五解

競輪

誠悔負嶠面縛來降釜底游魚開湯網遄宣露布慰堯心不事征誅

六解

班師慶

報捷初鳴笳疊鼓催前部不驚鷄犬咸安堵威名綽著追强弩太平一統萬年

歡潛消兵氣成霖雨

七解

和風扇淑景據承恩既醉趨鴈鷺端資啟沃聯心膂儲

胥常見風雲護堂廉一德慶昇平春光怎及恩光溥

八解

霑優渥賜大酺三爵言

言拜錫宮壺饜飫天厨波瀾灩澦露涵濡競稱觥介壽綬多祐好韶華春盎春

衢垂裳有道開昌字光浮玉盞麗映金鋪

九解

龐洪異數羣歌樂胥威馳六合位

重三孤進獻嘉謨出靖邊隅允作中朝砥柱企都兪佐唐虞百辟嚴趨殿陞山

呼師濟濟颺拜歡娛旻鏘鏘依永笙竿萬斯年玉燭安舒河清海晏金甌固榮

生虎竹喜溢簪裾

十解

日舒長時和煦萬彙從茲昭蘇寶篆氤氳御鑑玉缸香

泛醅酥想當年在藻依蒲錦燕何曾今昔殊慶槐鼎雲需庶君臣相遇墮臚旭

日照宸居

趙詩

進饌日耀中天之章 日耀中天慶祝堯年淑氣正暄妍嫩柳芊綿艷李飄翩

遐方永息烽烟雲峯四起迎宸幄霞綺千重映御筵韜略宣羽書傳臣鄰雀躍

歡忭

解一

和風麗日祥雲見九天閭闔開宮殿笙簧酒醴昇平燕勳標麟閣王猷

顯寅亮載周官勳風徵堯典干戈載戢民遷善

解二

堪美衛霍功勞相後先樓可

上籌邊征罰斯專步伐寧愆申軍實督戎旂布昭聖武彰天罰既來庭底用攻

堅福如川酒如泉共沐恩波不淺

解三

貔貅統山苞禹甸櫟槍掃風調舜絃來威

補入雅詩篇車皞皞鼓淵淵

解四

王師載旋揚厲無前溫綸鐘鼎姓名鐫安邊定

邊天涯靜處消爭戰益叢鳥道奇功建高奉霞觴北斗連旌旗柳拂春風暖一

點葵心傍日暄

解五

仙人六膳藉鹽梅分嘗禁樹玉階舞忭懸日月雙開明雉扇

共歡天意同人意賞九重春色飽聽流鶯百囀風光滿美從看香噴金猊花明

上苑

解六

晝漏迴晴霞綢繡此作楫爲霖台鼎合章絃雲韶燦設彩仗森排徵歡

物更妍一人有慶定鮮藏戈甲文修武偃解七婉變醉仙桃催曉箭見花外高矜

轉治登上理海宇晏然億萬載兵銷刑措惕厲精勤資拜獻喜今朝最難忘皇

眷天眷解八贊化調元方蹤周召名賢裒對敷天景福全臨照恩光應普徧奚止

是甲士三千趙極高擎欣永奠解九

乾隆二十五年西陲凱旋豐澤園筵宴三章 進茶進酒丹陛清樂進饌中和

清樂

進茶聖武光昭世之章 聖武光昭世品彙咸熙看平戎玉塞卷雲霓開疆已

軼漢關西顯承謨烈追前紀朝授鉞暮鳴犢正三軍鼓吹便武成誌喜論功青

史應無比天心眷顧君心慰吉甫平淮遜美績著應揚榮分龍衛解一堪羨堪美

亞夫儀晴開細柳拂前麾英風掃盡樓蘭壘擴車書萬里不基仙韶一派繞彤

墀御鎚烟瑞霽解二投戈解甲風雲會休休士女樂和緩嘉樂承慈惠九重

咫尺懷天威鳩班驚隊羣至如星綴如星綴堯階上千羽舞龍墀解三想前茲伊

犁大定喜今朝回部全歸鏡歌齊唱耀旌旗回頭望過東漸西被解四廟算都緣

天錫智相機宜乙夜勤勤檄親披壯邊陲月弓星箭皆精銳邪氛綏靖斬鯨鯢

從教斧鉞驅民羈

解五

聽風聲同鶴唳倒前途草木皆兵騎迎簞食實繒綈前歌

後舞盡傾葵回向仰光輝

解六

笳鼓聲催平安火遞春臺普徧祥光起續偉績誌

豐碑際昇平揚盛美仙燕錫蓬池億萬斯年集皇圖符帝軌

解七

運應昌期師師

濟濟御筵瞻啓瞻雲日威赫赫德巍巍際昇平揚盛美仙燕錫蓬池億萬斯年

集皇圖符帝軌

解八

庶歌環慶唐虞際看矯矯師臣拜稽駿烈兆鴻禧祥和開壽

域

詳述

進酒禹甸遐通之章

禹甸遐通周疆遠控資良棟撻伐成功庭引來儀鳳

解一

吾皇端拱軍書方略授元戎把準夷擴定更朔漠來同奉玉帛大宛分左右貢

瑤琛布魯盡西東沛殊恩豺狼解網思負義梟獍逞凶雉盟既背螳臂稱雄

解二

師律嚴明主將忠颺征麾拂綵虹衝開朔雪與嚴風溫如挾纈咸歡哄先聲士

氣矜餘勇貔貅百萬雄風雲指顧通笑么麼小醜懷怵慄驚魑魅竄研縱

解三

揚

我武王師肅雍憑將跋扈窮諒鳥覆危巢豈待風釜底魚迹漫逃負嵎虎勢莫

容騎甲馬掃狂童

解四

待風清三窟天山月挂弓更撫懷百雉旌旗漫蔽空任狼

奔匿叢妖氛莫避蹤渡西洱似催枯臨拔撻如泉湧逢義旆雙殄元兇

解五

競歸

懷樂幘幘願隸王臣爭效球共瞻舜陞元黃納貢達堯庭牋表連封

解六

班師至

露布上西維部落成風動非關矜武窮荒隴鴻謨自是承先統聖朝大命一時

新勳華千祺膺天寵

解七

皇心悅式燕崇追陪三殿趨鸞鳳涵濡湛露成歌頌卷

阿再續周詩詠明良此日慶都俞天河洗甲知無用

解八

葭灰起律應宮銀雪續

紛苑樹雕瓊杖杜歌融聲窈窕叶羽諧鐘競承恩拜爵玻瓈奉喜時晴光曜曜

隴金甌永固山河重春生瑞草慶溢祥松

解九

需雲乍擁晴霞晝烘百僚鵠立瑤

佩丁東仙仗崢嶸芝蓋玲瓏洵是珠輝玉瑩奏師臆開笙鏞偉烈豐功述祖歌

宗光奕奕安石來紅響蕭蕭宛馬從東拜氎氎簪紱雍容油油三爵威儀重鶴

聞倡和鳳叶萋華

解十

醉仙厨花漏永放牛歸馬功成帝德醞酬拜賜榮玉階莫

羨蔥龍想當年燕鎬營豐樂愷興歌今昔同喜瑞靄璇宮更辰居星拱一庭端

拜進瑤觥

解十一

進饌聖治遐昌之章 聖治遐昌牒紀嘉祥六幕仰重光化日舒長瑞啟金圓

照臨亶被殊方星雲爛縵膺天慶風雨和調佐帝觴廊廡章靜機槍皇威遠域

宣暢解一金莖玉露融仙掌堯天晴日輝金榜將軍閭外寒威敵棄戈進爵春雲

盎麟閣紀勳名激灝恩波廣桓桓在汴王猷壯解二遐想大業神功邁漢唐殊策

靖疆場兵氣恢揚士馬騰驤申天討遏蠻荒廟謨布算風雷卷握韜鈴指授戎

行慶綏康載旂常奏凱師旋舞唱解三榆關外蜺旌虎帳邊城望蜂窠蟻房人皆

赤子盡來王清沙漠殪天狼解四歸而解裝人盡軒昂葱山蒲海百花香神揚氣

揚論勳飲至先名將金樽次第邀前賞西域荀苟美且芳共欽王道無偏黨向

日葵心率土將解五和光貽蕩酌瓊卮珍饈百醖蓼蕭露瀼瞻肅穆天容霄漢朗

大官六膳調金鼎向御筵供奉雉扇明開兩兩雲霞萬狀眄茲瑞氣輝煌三山

蓬圓解六承燕喜皇風邕從茲斥堠無箠甲冑鉅而藏珍符紛郁瑞應駢羅天心

降福穰誕敷文德更阜財解慍薰琴接響解七瞻望沐皇仁杼衆仰似花柳春前

放仙桃錫燕恩普德祥解戰袍歡騰貔虎還擬圖形麟閣上靖烽烟願長迓天

錫神呪

八解

酒醴笙簧恩膏欣徧嚴廊來享來王曰是常偃武修文覘治象何異

詠洛水泱泱食德飲和聲教廣

趙詳

同治十一年大婚皇后朝見進饌一章 丹陛大樂敬平

瑞日麗扶桑晴開上界金闕雲移雉扇張褱衣鞠服儼當陽肅拜答穹蒼垂環

佩叶珩璜安貞度有常升桂殿晉萱堂

一解

慈闈樂且康侍宴瑤池篤祐長介壽

喜稱觴絳霞紺雪酌瓊漿恩風習習翔調鳳律奏鸞簧仙樂聽鏗鏘德音播雅

化彰

二解

正位佐垂裳坤順承天地道昌醴膏頌普將八紘和氣醺休祥臨照徧

殊方輝寶籙燦珠囊降福慶穰穰延洪緒永無疆

趙詳

光緒十五年大婚皇后朝見進饌一章 丹陛大樂敬平

瑞氣溢簾櫳金鋪香裊翠烟籠瑤階旭日烘瓊卮玉瓊映玲瓏奉罍侍深宮儀

有象福延鴻

一解

歡承鳳閣中入覲慈闈鉅典崇介壽樂融融問安視膳秉淵衷

躬膺錫賚隆瓊筵盛玉食豐韶樂奏雍容歌風動詠露濃

二解

清響度花叢滿進

金樽酌醴醕瞻依戀九重詒謀燕翼賴宸聰祝嘏效呼嵩容肅肅度雝雝福祿

慶來同顏有喜樂無窮

詩建

同治十一年大婚賜承恩公及王公大臣筵宴三章 進茶進酒丹陛清樂進

饌中和清樂

進茶圖肇鴻基之章 圖肇鴻基祥徵燕喜華筵肆寵荷隆儀賜茶宣敕使

解一

趨侍嘉燕沐恩施踰躄濟濟肅威儀雙開雉扇瞻天咫運璣衡穆穆宸垂泰交

景運治重熙政平成理本修齊

解二

華門積善迎繁祉祥鍾蘭閭毓坤儀寵眷從

今始龍章鳳詔荷恩暉榮封五等主爵貽孫子貽孫子承嘉貺福祿屢綏之

解三

集冠裳彤廷展禮肆笙簧丹陛歌詩王公列辟翊綸扉奏鈞韶聽咸庶樂只

解四

內外修和成郅治徵嘉禮位定乾坤慶良時迓祥禧同榮瑞木枝連理綏豐秀

麥穗雙歧穗雙歧周文仁政睢麟始

解五

播鴻庥襲上理衍雲初虹流電光瑞配

二儀序四時瑟琴迭和樂怡怡豫悅仰慈闈

解六

景煥祥曦聲騰仙吹龍團佳茗

天家賜金莖露注瑤卮帕傳柑盤薦李攜袖異香霏玉案親依近龍光延燕譽

七川媚山輝禮明樂備祥符億載過姬妣雲紉縵鳳來儀載堯天游舜世懿戚

解七

與榮施玉案親依近龍光延燕譽八衡樽同酌醴膏被欣燕洽情文備致九叙

慶成功三辰瞻獻瑞註

進酒寶扇祥開之章 寶扇祥開金爐香馥欣喜會永錫詩諧春滿三千界一

運隆交泰普天人共樂春臺看金樽初泛更玉譜新裁烟嫋嫋祥輝分禁柳樂

融融喜氣上宮槐四皇風周南化啓歌聖治闕北恩來詩庶荇菜慶洽蘭陔二

嘉禮初成百福該共騰歡徧九垓五斯麟定頌聲諧隆儀共仰嬪京邁龍光燕

喜欣和會班聯萃衆才軒轅懷聖懷三蕃釐普慶乾坤泰歌正始觀瑤階三荀

荀泛瓊漿舊醕香濃萬壽杯看肅肅筵從主殿開調鏗鏘變律叶韻瀏亮風管

催喜福祿自天來四聽睢洲載詠雲霞爛綬開更鸞笙迭奏簫韶宛轉諧怡天

上春回宮花錦繡堆漏迢迢日似年光灑灑杯如海鈞天唱境擬蓬萊五肆芳

筵布兩階庭茂堯廚桃實瑤臺漫斟處味同沆瀣齊拜揚共酌金觥六翡翠翠

鸚鵡杯瓊瑤璀璨呈光彩飲和共樂仁風逮皇仁廣被如天大乾坤合拱獻嘉

瑤駢蕃慶典羣欣戴七儀文備德意恢宸宮化起天心泰壽觴更喜兕觥介和

聲鳳翥兼鸞翻嘉祥普慶徧寰瀛二南風教真無外解八凝繁祉怡聖懷鐘鼓聲

催琴瑟音諧雅頌詩裁歌椒衍餘韵低徊詠瓜綿喜舞兩宮綵慶昇平更祝臺

萊跕跕濟濟逢良會皇情穆穆帝治巍巍解九泉颺禹拜舜陞堯階金齏玉膾寶

琤瓊幣燕衍叨陪鳬趨偕來嘉會嘉賓樂愷千祥臻萬福來有酒如淮澤被埏

埵集羣工位列棘槐進百爾人盡鹽梅看益盈日麗雲開珠聯璧合輝光霽箕

疇福衍華祝聲諧解十受洪釐千萬載啓金闕拜玉階旭日和風接上台繽紛綵

仗雲排步花輶如上春臺宮漏銅壺綏綏催欣和樂無涯被恩膏汪濊五雲高

奉紫霞杯解

進饌天地成平之章天地成平品物咸亨瑞應協璣衡乾主大生坤職資生

兩儀幹運祥呈衣冠虞舜光華治鐘鼓周文豫悅情八音鳴百度貞玉牒萬年

流慶解一德齊覆載剛柔應星雲輝爛中天詠和風甘雨綏豐慶二南宣化敷仁

政巷舞及衢歌咸頌吾皇聖萬方和樂斯爲盛解二多幸烟嫋鎔香瑞靄縈懿戚

聚簪纓酒酌瑤觥樂奏銀笙欣嘉會荷殊榮螭坳彩仗光輝映露瀼瀼珠瀉金

莖羣喜起效歌庶上祝一人有慶^三宮槐上流烏駐影岡栢上飛鳳送聲尊特

次第沐芳馨侑以樂奏咸諶^四金盤疊呈玉碗高擎山腴水豢未須稱蘭蒸蕙

烝天廚飽飫誇珍盛威儀秩秩衣冠整領略鹽梅許作獎從教悟得調和意合

獻嘉猷佐治平^五坤維位定贊乾符禮教修明恩膏疊沛錫圭爵常膺寵命今

朝丹陛龍光覲拜溫綸賜燕翼翼維恭維敬庶幾夙夜靖共爾職勤修助猷彪

炳^六晝漏永瑤閭靜迤仰雉扇雲開天顏喜氣增寶瑟初調瑤琴疊奏廣殿樂

盈盈珠囊金鏡卜瑞啟羅圖益既麟定^七欣慶際昌期凝景命協禹範培周鼎

旁流協氣翠蕙祥藂更喜見山川樂壽鸞鵲踴虞昭瑞應慶時和煥寒調春令

秋令^八樂翕諧聲椒房眷屬恩承指笏鳴珂盡俊英喜祝金枝玉葉榮綿瓜瓞

繼繼繩繩圖籙延長天共永^詳

同治十一年皇太后賜承恩公妻及親屬筵宴三章 進茶進酒丹陛清樂進

饌中和清樂

進茶慶叶重熙之章 慶叶重熙祥成嘉禮隆恩賁燕侍璇墀歡聲殷大地^一

嬪京迎涓微音嗣益誥麟定衍金枝錫慶從茲始特恩賜燕播仁慈肆筵授几

踰濟紆金紫紆金紫懿親展福履以綏之二際昌期鴻恩渥被喜今茲燕翼謀

詒卿雲紉縵龍皇幾延景運誕受洪釐三齋器執尊敦古禮展隆儀軒曜承光

日依依景透迤華林萬樹連瑤圉叢雲五色蔭仙芝蔭仙芝壺中日永中天麗

四彩映朝曦祥騰紫氣掖庭親屬承恩禮甘露降似珠霏帕傳柑盤撤荔滿袖

共香携億萬斯年拜恩光今日始拜恩光今日始五晝漏頻移香階晴霽篴篴

昭貺駢蕃集多且旨樂有儀際昇平揚盛美鈞樂奏瑤池億萬斯年拜恩光今

日始拜恩光今日始六神聖作合陰陽理洪錫類繩繩繼繼四海共傾葵萬邦

齊獻瑞

趙

進酒運會昌盈之章 運會昌盈海宇澄清喜氣竄彤廷寶籙欽承嘉禮初成

九霄日月齊明宏開北闕輝龍陛共祝南山酌兕觥百禮洽萬福同喜沐天家

恩寵一璇闈侍燕宴觴奉役蒸醴薦華筵盛聯班懿戚冠裳炳龍旂葩瑤祥輝

映鴻祉怡凝麻燕喜新頒慶彬彬齊上嘉祥頌二欣幸拜舞丹墀仰聖明燕衍

荷殊榮金罍酒澄寶鼎香凝雲腴露漿霽流歡飲福承恩命樂優游玉潤金

聲福祿成福祿崇人在蓬壺蹈詠

解三

恒春樹卿雲瑞擁長樂花靈曜祥呈玲瓏

樓閣敞銀屏銅漏轉玉階晴

解四

藻績承平琴瑟和鳴好風調出鳳鸞聲簫韶九

成人間天上同傾聽鈞天歌闋朝儀靜雅雅魚魚綰彩生追陪仙掖聯簪紱拜

賜天廚飫鼎烹

解五

盛美躬逢應知萬里歡騰就日瞻雲蟻慕情食德飲和被澤

醴錫祉福齊頌升恒億萬斯年寶祚永

解

進饌鈞天登奏之章

鈞天登奏仰思齊太任徽音並茂瑞啓葦幃鸞輅從容

莅鳳樓同歌舞瑤池競進長春酒況甘旨左宜右有億萬世謀詒燕翼欣睹壬

林祐篤申綏福祐

解一

霞觴獻壽慶長生未央歡承太后風髓麟羹柏葉馨香洪

露浮彤墀下椒房親宴芳樽佑更珍品頒命婦願懿戚同心同德長飫天廚

鼎饌繁釐普受

解二

恩覃宇宙喜含和履平傾心拜手飽德詩庭共祝皇家百祿

適璇宮內寶鏤香馥霑衣袖聽玉琯聲諧銀漏從今始含飴豫慶定卜祥徵瓜

瓠慈仁裕後

解三

叶銀笙陳鳳直排仙仗輝煌文繡飲和食德謳歌九州

解

光緒十五年大婚賜承恩公及王公大臣筵宴三章 進茶進酒丹陛清樂進

饌中和清樂

進茶圖肇鴻基之章 圖肇鴻基風追喜起延景運荷隆儀歡聲騰遠邇

解一躬

桓蒲穀列丹墀賜茶宣敕沐鴻施九重綸綍欣同被仰恩暉獻荏傾葵龍團鳳

餅味含滋注金甌露挹瑤池

解二

華門積善徵蘭芷天心眷顧正坤維至德侔周

妣永風詩荇菜參差化行俗善推暨從今始從今始膺多福家室慶咸宜

解三度

翩翩紆青拖紫韵悠悠吹竹彈絲頌來佳茗溢金卮淑芬芳既甘且旨

解四

平治

修齊逢盛世中宮位定采繁時飭威儀著箴規紫宸作耦稱同體彤庭端範翊

昌期翊昌期觀型媾汭追隆軌

解五

宮商調角徵頌仁慈敬續箕裘緒念在茲釋

在茲璇闈侍膳奉盤匱孝治迓蕃釐

解六

雪澡香霏雲腴味美金莖露湛重霄賜

調瓊液管瑤卮華如桃穠如李甌泛碧琉璃御案親依仰天顏眞尺咫

解七

彩耀

旌旗儀修冠履飲和食德延繁祉貽燕翼衍螽斯爲駟牙爲麟趾戚屬與榮施

御案親依仰天顏眞尺咫

解八

醴膏飽飫芬流齒濡闔澤欣歌樂只乾極儷坤珍

祥符綿萬紀

趙祥

進酒寶扇祥開之章

寶扇祥開祝鎡烟竒占交泰八極宏恢春盎乾坤大

解一

重霄澤沛泛醖醕龍錫新醕看光浮玉璫更香溢瓊杯歌濟濟趨跼依北闕

貞貞舞蹈詠南陔毓芝蘭榮敷柯葉綿瓜瓞肇始根菱垂裳肅穆奉昇徘徊

解二

黼黻輝煌集衆才禮初成百福該嵩呼華祝徹天街雲霞五色迎華蓋星辰萬

點輝珠旒從容步帝階展颺愜聖懷聽鏘鏘鸞鳳鳴佳會春似海酒如淮

解三

梁璫珥排瑤觴琥珀指正碧宇春旋北斗魁綠凝烟含禁柳紅捧日映宮槐筵

式啓宴叨陪

解四

看盈盈酒滿金樽釀最佳聽聲聲漏永銅壺箭屢催恰日度花

甌高烘紫禁隈奏笙簧鳳律諧綿統緒鴻慈戴徽音欣見嗣思齊

解五

迓休和徧

九陔銘晉椒盤慶洽蘭陔二南風化真無外詠河洲雅句新裁

解六

融風暖淑氣

催甘敷雨露徵滂霈寔區共樂皇仁逮醴醑馥郁邀恩賚金鋪振響叶龍吟珎

琴譜曲諧鸞囀

解七

葡萄酒翡翠杯謾聞祝嘏觥同介珎璫度肅瓊琚佩旌旗彩

耀龍蛇繪鴻基鞏固萬斯年驪聲遠逮三千界

解八

宮殿啓閭闔開和煦風回瓘

聚雲堆錦繡霞裁鈞天唱境擬蓬萊惟坤柔德合乾剛配千祥集萬福咸來賓
筵歌舞明良會材皆麴蘖人盡鹽梅

解九

鸞翔鳳翽鸞鸞徘徊皋颺變拜熊虎追

陪酒酌金罍樂奏瑤階天地祥符交泰八音調六律諧庶事康哉元首明茂祝

維祺有臺有萊庶雅化條肆條枚挹瓊漿玉琖欣開金盤捧出蓬池膺恩周夏

句歡動春雷

解十

帝基昌熙景繪邁姜嫄啓有邰攸叙赫倫福孔皆萬方賴兆民

懷卜從今瑞應三階風雨和甘化理該恩澤徧地垓德教孚中外衢歌巷舞樂

無涯

詳趙

進饌天地成平之章 天地成平禮樂修明景運啓元亨乾德資生坤德資成

和聲叶鳳凰鳴虞廷致治由嬌水周室開基肇鎬京四時行百度貞南面垂裳

居正

解一

倪天作合徵文定睢麟化被周疆盛式歌且舞欽仁聖歡承壽母蘭陔

永爵進紫瑤觥任姒徽同景榮懷永錫拜家慶

解二

歡幸椒殿祥霽寶扇榮酒醴

百壺清綺饌調鯖雅奏鏗鯨協輿頌愜皇情冠裳濟濟龍光覲繪麒麟焜耀簪

纓槐棘列葵蕭唐濃露九霄沐潤

解三

和曦暖媧寶轉韵薰風動虞琴送聲金樽

玉璫喜同傾麟羹進鹿脯烹

解四

霞杯色瑩雲液香清天厨水陸不知名稱觴酌

觥殷盤夏鼎相輝映悠揚拊石變鳴磬珍重調梅傳作羹甄陶元氣開昌運黼

黻動華萃散閤

解五

璇宮畫靜贊乾樞懋啓休顧分茅胙土拜綸綍親承寵命煌

煌天語垂謨訓勛丹忱業業兢兢無忘恭敬庶幾出壯屏藩入贊昇平鈞衡共

秉

解六

玉漏永金爐燼欣看華蓋高擎宸旒喜氣迎松栢雲輝藁階日麗淑氣滿

春城天開景運卜瑞啓珠囊釐延金鏡

解七

欣慶湛恩覃醲澤飲佐禹範匡周鼎

臣鄰翊贊治定功成願更祝珠聯璧合二曜五星昭瑞應翼燕謀詒孫子麟振

麟定

解八

誼美恩明祥符至瑞光呈主聖臣賢喜起廣譜出承平雅頌聲膺繁祉

騰茂蜚英億萬年綿綿祚永

解九

賜衍聖公部宴洙泗發源長一章

乾隆七年定

禮樂章光緒中停止詞臣不觀

洙泗發長源麟鳳流芳久眷茲後裔克紹箕裘詩書教澤延禮樂家聲舊茅社

長膺天眷厚際端冕凝旒桓主章甫彤廷舞縮時觀春秋

解一

詔宗伯使養人進

羞大曾獻酬形虎形鹽訓恭訓儉慈惠兼施寵錫優勵嘉修素風益懋庶不負

皇朝渥澤旨酒思柔

解二

賜文進士部宴啓天門一章

乾隆七年定五十年改寒城樓詩五奉賜考官各執事官宴寒慶鳴三章其詩樂譜不載

啓天門日麗黃金榜趁驂驩緩步青雲上論聖賢事業無涯量況生平溫飽何

曾望念饌生叨渥澤天來廣雖持寸草心莫報君恩蕩涓埃矢竭酬天貺

解一玳

筵內金壺玉漿月臺上絲竹鏗鏘繼自今木天清敞增泰殿不辭土壤

解二

賜武進士部宴和氣治一章

乾隆七年定五十年改寒苑且詩三章

和氣治泰階平皇威截烽烟靖念兔罟亦有干城虎頭猿臂交相慶看鵬翮秋

來勁

解一

須知道羽扇綸巾還有那弓強箭勁更兼之武庫縱橫效折衝驂驩聘

執戈父衛羽林備公侯腹心

解二

鄉飲酒高宗自製補笙詩六章

南陔 我逝南陔言陟其帖昔我行役瞻望有父欲養無由風木何補我逝南

陔言陟其祀今我行役瞻望有母母也倚閭歸則甯止南陔有筍簠實勺之屏

屏孩提敦喚咻之慎爾溫清節爾旨肴今爾不養日月其怡

白華 有白者華不汙纖塵咨爾士兮宜修其身不修其身乃貽羞於二人有
白者華婉茲靜好咨爾女兮宜修婦道不修婦道乃貽羞於二老白華匪玉涅
而不緇白華匪蘭芬乃勝之我擷白華載詠載思白華匪玉質玉之令白華匪
蘭臭蘭之淨我擷白華載思載詠

華黍 瞻彼陬田厥黍始華胝足胼手嗟嗟我農夫瞻彼陬田黍華以秀�手
胝足惟勤斯殖茂華有不秀矣秀有不實矣其雨其雨矣杲杲日出矣愍予愁
之恤矣

由庚 王庚使使東西朔南六符調燮八風節宣王庚容容朔南西東惟敬與
勤百王道同王庚廓廓東西南朔先憂而憂後樂而樂王庚恢恢南朔東西皇
極孰建惟德之依

崇邱 澗松童童蛙黾鄰兮邱草萋萋蕩青雲兮凡百君子慎乃託身兮澗松
童童澗則卑兮邱草萋萋邱則崎兮凡百君子審所依兮有崇者邱物無不遂
有卓者道愚無不智資生育德永植母替

由儀 在上曰天在下曰地君君臣臣父父子子在下曰地在上曰天父父子
子君君臣臣由其儀矣物則熙矣儀其由矣物則休矣